

## MAK Jiysis Krays Minim Tep Mak Tikak Minim Nind Niņep

Baybol buk day biy Mak tikak. Nup ñin gunap Jon-Mak angyingipay (Apsol 12:13). Nonim nuk yimb ak Mariya. Nuk Jerusalem nimb (Apsol 13:12). Pol yip Banabas yip biynimb Jiwda mer gok kuyip Krays minim tep angñi tangying, Mak nup poñind amer tap kuyip gok marik giyingip (Apsol 12:25, 13:5). Kisen biynimb Jiwda mer gok kuyip minj kun biy tikak.

### **Minim Ar Keykey Mindip Rek:**

Jon bi ñiņg pikñemb ak, Jiysis Krays minim tep ak kiñiņ gi angñak minim ak mindip, chapta 1:1-13.

Jiysis miñmon Galiyliy woņg kiñiņ gi gak minim ak mindip, chapta 1:14-9:50.

Jiysis Galiyliy nimb woņg gindand Jerusalem amnak minim ak mindip, chapta 10:1-52.

Jiysis ñin nuk ak maņ giy wiyk nokom bap mindakniņ, Jerusalem sek, yep maņ kun okok sek angñirangek minim ak mindip, chapta 11:1-15:47.

Jiysis tip tikjakak kesim ak mindip, chapta 16:1-8.

Jiysis kumiy tikjakek biynimb kuņaynep nup misen niņyak ak sek, arachak Nop ker amnak minim ak sek mindip, chapta 16:9-20.

<sup>1</sup> Jiysis Krays, Gor Ñinuk minim tep ak angning gispiyn. <sup>2</sup> Wosrey, bi Gor minim anjep Asaya,

Gor Ñinuk Jiysis Krays nup minim angak rek, tikiy angak:

“Niñan! Bi minim yand dand amningamb ak nind angyoken am, kinjen nip ak pindrep geningamb. <sup>3</sup> Bi kun ak miñmon biynimb kuñay ma mindpay namb okok suk angyi angingamb, ‘Biyomb ak asaw! Kinjen yik mayik giy mindonimuñ gok pind yipund yimb giy mindenimimb angingamb’ angak.”

<sup>4</sup> Gor kun angek mey, kisen Jon bi ñing pikñemb ak, miñmon biynimb kuñay ma mindeyak namb okok mindying, biynimb gok apey kuyip minim angñiy angyingip, “Tap siy tap timey gipun gok, yenen kun gipun angyi kirgiy, ñing pikem mey, Gor tap siy tap timey gipim gach ak wiykyokningamb angyingip.” <sup>5</sup> Nuk kun angakniñ, biynimb Jiwdiya propens yep kun okok mindeyak gok sek, Jerusalem biynimb sek minim nup ak niñning amniyak. Amiy, tap yerip yerip timey giyak gok misen angñey, kuyip Joden ñing namb ak ñing pikñak.

<sup>6</sup> Jon chech yikop kanj kamel kas diy giyak ak ay, kaw wak ler ak namb ak pongayingip. Tap ñinemb nuk ak, jon golbind ak sek, bum ñing ak sek ñimbyingip. <sup>7</sup> Nuk biynimb gok kuyip angyingip, “Bi kisen winingamb ak Biyomb yimb, yand bi sikoy; nup niñen yip nambin gip. Tomb tirup nup ak tungasikying, tap nup gok marik ginim rek ma ayip. <sup>8</sup> Yand nimbip yikop ñing pikñimbiyn; nuk apiy nimbip Gor Kawnan ak yokningamb angak.”

*Jon Jiysis Nup Ñiņg Pikñak*  
(*Mat 3:13-17; Luk 3:21-22*)

<sup>9</sup> Pen ñin bap, Jiysis miñmon Nasaret Galiyliy propens mindyĩņip ak kirgiy, Jon mindek ak apek, nup Joden ñiņg namb ak ñiņg pikñak. Nup kun giy ñiņg pikñek, <sup>10</sup> Jiysis kumb biyoņ amnakniņ; semb biyoņ miņgan yikiy, Gor Kawnan ak yakir kochir rek, wiņind nup ker owak. <sup>11</sup> Kun giy owakniņ, minim bap semb biyoņ nimb apiy aņgak, “Nand Ñi mapin yand yimb. Nip niņen, yip tep yimb gip aņgak.” <sup>12</sup> Pen won kun anep, Gor Kawnan ak Jiysis nup gek, miñmon nep namb okok amiy; <sup>13</sup> ñin onep ñin jiwiy andikiy ar piskind ak mindyĩņip. Kun okok mindakniņ, Seytan, Jiysis nup gen minim yip ak kindik giy timey gaņ aņgiy, ap aņgyiņip. Miñmon mindyĩņip wikan kun ak kayn ayndik tap gok nep mindyĩņip. Pen enjol gok, ap Jiysis nup bak ay kond mindyĩņipay.

*Jiysis Bi Omiņal Omiņal Dak*  
(*Mat 4:12-17; Luk 4:14-15*)

<sup>14</sup> Pen Gapman biyomb Herot Jon nup kalam-bis ayakniņ, Jiysis nuk miñmon Galiyliy amiy, Gor minim tep ak biynimb gok kuyip aņgñiyiņg aņgak, <sup>15</sup> “Gor chinup diy kond mindeniņgamb aņgiy ñin per kond mindyĩņipim ak, miñiy wip! Tap siy tap timey gipim ak, yenen kun gipun aņgiy kirgiy, Gor biynimb simb niņiy diniņgamb minim tep ak, niņind aņgip aņgiy dinimimb aņgak.”

<sup>16</sup> Jiysis Galiyliy chemb gol ak pandikiy iņg niņak; bi piysdep mamiymiņay ak piys dur aņgiy, wimben ak di ñiņg namb biyaņ yokiy minderik.

Bi mamiyminḡay kun ak yimb kiykminḡay ak, Saymon yip, Enjriw yip. <sup>17</sup> Kuyipminḡay ninḡiy anḡak “Aper yand yip tanḡiy, nirip anḡñirep gen, bi biynimb dep omiḡal ak mindeniḡayr anḡak.” <sup>18</sup> Anḡek ninḡind anḡip anḡiy, wimben gok kirḡiy, Jiysis yip nep tanḡyiḡipay.

<sup>19</sup> Pen Jiysis tapin sikoy won bap amiy ninḡak: Sebediy ñinuk Jemis yip, Jon yip bot miḡan ak mindyḡ, wimben punḡrikak ak kopis kopis gi minderik. <sup>20</sup> Kuyipminḡay ninḡiy anḡak, “Nirminḡay owiyr-ey anḡak.” Anḡek kiykminḡay ninḡiy, nop nup bi gunap yip bot ar ak kirḡiy, Jiysis yip amiy tanḡyiḡipay.

*Jiysis Kichekiy Anḡ Mis Yokak  
(Luk 4:31-37)*

<sup>21</sup> Pen kiyk miñmon yomb Kapaniyam amiy, Jiysis Jiwda lotiw minek ak; nan-gep korip miḡan biyan amiy, Gor minim ak anḡñek; <sup>22</sup> biynimb gok ninḡiy jiwdiy anḡyak, “Bi low tiysa apay rek ma anḡip, biyomb yimb ninḡrep giy apay rek anḡip anḡyak.” <sup>23</sup> Pen won kun ak, bi kichekiy amban ayak bap, korip miḡan kun ak mindek ak suk anḡiy anḡak, <sup>24</sup> “Jiysis bi Nasaret nimb! Nand yerginiḡ opan? Chinup gi timey giniḡ opan rek ayip? Pen Gor ñin chinup anḡyak ak ma wip. Yand nip ninḡbiyn: timey ma gipan; Gor Ñi tep nuk ak mindpan anḡak.”

<sup>25</sup> Anḡek, Jiysis kichekiy anup anḡak, “Minim ma anḡnimin! Bi anup kirḡiy mis amnon anḡak.” <sup>26</sup> Anḡek, bi anup gek jep diy, suk yomb anḡakniḡ, mis amnak. <sup>27</sup> Kun gek ninḡiy, biynimb ap mindeyak gok wal yimb anḡiy, minim anḡniḡ

aṅgning giy aṅgyak, “Bi biy minim kisenimb ar bap dand wip rek ayip. Nuk bi kilis sek; kichekiy malñiluk gok aṅgip rek niṅiy mis ambay aṅgyak.”  
<sup>28</sup> Kun aṅgiy, Jiysis kichekiy malñiluk aṅgyokak minim kun ak, Galiyliy Propens okok maṅgiysek aṅṅey amnak.

*Jiysis Saymon Numok Nup Gek Suṅ Ayak  
 (Mat 8:14-15; Luk 4:38-39)*

<sup>29</sup> Pen Jiysis, Jemis, Jon, Saymon, Enjriw kiyk Jiwda nan-gep korip ak kirgiy, mis apiy, Saymon yip numam Enjriw yip korip ak amning saṅdiyak.  
<sup>30</sup> Korip amjakiy Jiysis nup aṅgyak, “Saymon numok nup, mumbwak okok mon rek yinek, kin mindip aṅgyak.” <sup>31</sup> Aṅgeyak, Jiysis am nup di jakñakniṅ, wak mon rek yinek ak suṅ ayakniṅ, day tap keṅmaṅgiy kuyip gok daṅgiyak.

*Jiysis Biynimb Gok Gek Suṅ Ayak  
 (Mat 8:16-17; Luk 4:40-41)*

<sup>32</sup> Pen pumb saṅind amnak won ak, biynimb tap gak gok yip, kichekiy ambaṅ ayak gok yip Jiysis gek suṅ ayaṅ aṅgiy, mindek ak dand wiyak.  
<sup>33</sup> Kapaniyam biynimb gok, ap kinjenrumb mis akyaṅ ken niṅmindyakniṅ, <sup>34</sup> biynimb tap gak gok gek suṅ ay, kichekiy malñiluk ambaṅ ayak gok aṅg mis yokiy gak. Pen kichekiy malñiluk kun gok Jiysis nup niṅrep giyak rek, Gor Ñinuk ap mindip biy aṅgiy misenṅ aṅgning geyak, kuyip minim ma aṅgnimimb aṅgiy, aṅg mis yokak.

*Jiysis Miñmon Galiyliy Tangyṅgip  
 (Luk 4:42-44)*

<sup>35</sup> Minek, Jiysis maynamb yimb tikjakiy, dawin kun ak kirgiy wikan bap key amiy, Nop nup angnin mindek. <sup>36</sup> Pen binuk Saymon; binuk gunap yip Jiysis akay angyi, piyow dand amiy, <sup>37</sup> nup ninjy angyak, “Biynimb mangyisek nip akay angyi piyowsipay angyak.” <sup>38</sup> Kun angeyak, Jiysis angak, “Miñmon wikan bap nep angñiyn angyi ma winik; miñmon gunap kunep angñiyn angyi winik rek nem amnun angak.” <sup>39</sup> Kun angyi, miñmon Galiyliy namb okok girannging, am Jiwda nan-gep korip miñgan gok amiy, Gor minim angñiying, biynimb kichekiy malñiluk amban ayak gok Jiysis kichekiy malñiluk gok angek mis amniyak.

*Jiysis Bi Soy Ayndik Ayak Bap Gek Sun Ayak  
(Mat 8:1-4; Luk 5:12-16)*

<sup>40</sup> Bi soy ayndik ayak bap Jiysis mindek sinjak apiy, kongim yimiy angak, “Nand soy yip ak gey sun aying; gey sun aynimun angak.” <sup>41</sup> Kun angek, Jiysis nup simb ninjy angak, “Nip gen sun ayingamb angyi,” <sup>42</sup> diniñakniñ sun ayak. <sup>43</sup> Pen nup minim kilis angyi angak, <sup>44</sup> “Kinjenamb okok amying, biynimb gunap kuyip Jiysis yip gek sun ayip angyi ma angnimin. Yipund giy nep am bi Gor nup simbongep anup yomiy, soy ayndik yip ak sun ayip angyi, Mosis nind angak rek tap gunap pikiy, dam Gor nup simbonng ñenimin mey; biynimb gok bi ak miñiy sun ayip angyi niñningambay angak.” <sup>45</sup> Kun angak ak pen; bi kun ak nuk amiy, biynimb okok monmon angñek mey, Jiysis miñmon okok misen giranngonimun rek ma ayek, nuk am biynimb kunay ma mindeyak

namb okok mindakniņ, biynimb miñmon kind kind nup niņning apyĩngipay.

## 2

### *Jiysis Bi Ñin Tomb Kalaw Gak Bap Gek Sunj Ayak (Mat 9:1-8; Luk 5:17-26)*

<sup>1-2</sup> Kisen pen Jiysis tip ak miñmon Kapaniyam apek, ap mindip korip ak anġey niņiy, biynimb kuņaynep ap gey gey, korip miņgan, kinjenrumb mis ar akyaņ timbik giy yimb anġak. Kun gek, Jiysis korip miņgan akyaņ nep mindyĩng, minim anġñaġak. <sup>3</sup> Kuyip Gor minim anġñai mindakniņ, bi onep tiņgawip ak, bi ñin tomb kalaw gak bap, yirar ay dand apiy niņyak: <sup>4</sup> tip ak timbik giy yimb anġek, bi ñin tomb kalaw gak anup dand korip ar biyoņ amiy, korip ak tunġyikiy, yokey Jiysis mindek biyaņ amnak. <sup>5</sup> Pen nuk gek sunj ayningamb anġiy niņyak rek, Jiysis anġak, “Ñi yand. Tap siy tap timey gipan gach ak wiykyoksipiyn anġak.”

<sup>6</sup> Kun anġek, Jiwda low tiysa gunap bising mindeyak gok gos kiyk okok nep niņiy anġyak, <sup>7</sup> “Bi biy yenen Gor nup anġ sikoy giyĩng, ap tom gisap? Biynimb gok tap siy tap timey gey, bi bap gach kuyip ak wiykyoknimuņ rek ma ayip; Gor nep mey, gach wiykyokningamb anġyak.”

<sup>8</sup> Pen Jiysis gos niņyak kun ak key niņiy anġak, “Yenen gos kun ak rek kun giy niņbim? <sup>9</sup> Bi ñin tomb kalaw gip anup yerip anġen, nimbip tep giningamb? Tap siy tap timey gipan gach ak wiykyoksipiyn anġen nimbip tep giningamb akaņ; tikjakiy minj nak ak winiņg dand amnon

anġen, nimbip tep giniġgamb? <sup>10</sup> Yand nimbip aspiyn: Bi bap Ñinuk man ar biy awak ak, key ninjiy ma awak, Gor anġek awak ak mey; nuk tap siy tap timey gipay ak ninjiy kirginiġ, kirginiġgamb anġak.” <sup>11</sup> Kun anġiy, bi ñin tomb kalaw gak anup anġak, “Yand nip aspiyn: tikjakiy, minj band nak ak dand korip amnon anġak.” <sup>12</sup> Anġek, won kun anep tikjakiy, minj band nuk ak dand sanġak. Kun gek ninjiy, biynimb gok wal yimb anġiy, Gor nup yimb ak dand aranyiġ anġyak, “Nind tap kun ak rek bap gey, ma niġnuk anġyak.”

*Jiysis Liypay Nup Suk Anġak*  
(*Mat 9:9-13; Luk 5:27-32*)

<sup>13</sup> Jiysis ñin bap tip ak andkind Galiyliy chemb gol okok amek, biynimb kuġaynep nup ninjiy ap nan-geyak, kuyip Gor minim tep ak anġñak. <sup>14</sup> Kun giy anġñi diy; kinjeġnamb okok amyinġ niġak; Alpiyas ñinuk Liypay, bi takes dep ak, wonġ giyiġgip korip miġġan ak bişiġ mindek. Nup ninjiy, “Apey yand yip taġġor anġek,” tikjakiy yip taġġyiġgiyir.

<sup>15</sup> Jiysis pen, binuk gok yip am Liypay korip ak tap ñiġyakniġ, bi takes dep gok sek, bi tap siy tap timey giyak gok sek Jiysis yip taġġeyak rek, yip jimñiy tap ñiġyak. <sup>16</sup> Bi Peresiy low tiysa mindeyak ġunap, Jiysis binuk gok kuyip anġyak, “Jiysis yenen bi takes dipay gok yip, tap timey gipay gok yip tap ñiġimb?”

<sup>17</sup> Anġeyak, Jiysis minim kun ak key ninjiy anġak, “Biynimb suġ gok, dokta niġniġ ma ambay; biynimb tap ġip gok nep niġniġ ambay. Bi bap Ñinuk biynimb suġ-tep mindpun anġiy

ninbay gok kuyip, di Nop yip jimñining ma awak; biynimb tap siy tap timey gipun angyi ninbay gok kuyip, di Nop yip jimñining awak angak.”

*Biynimb Gunap, Jiysis Nup Tap Bul Gep Minim Ak Ang Ninjak*  
(Mat 9:14-17; Luk 5:33-39)

<sup>18</sup> Peresiy kay bi kiyk gok sek, Jon binuk gok sek ñin gunap lotiw nep mindonjun angyi, tap ma ñimbyingipay ak mey, biynimb gunap apiy Jiysis nup angyak, “Peresiy kay bi kiyk gok sek, Jon binuk gok sek ñin nokom nokom tap ma ñimbay. Pen binak gok, yenen kun ma gipay angyak.” <sup>19</sup> Angeyak, Jiysis miñ giyingipay ar kun ak ma giningambun angyi, paydon ay angak, “Bi biyn dining giningamb bap, numiy numam gok yip mindiy, tep gakniñ mindeningambay ak mey, tap keñmangyi ma kirginingambay. <sup>20</sup> Pen kisen biynimb gunap bi kiyk kun anup dand ameningambay, simb gek, ñin kun ak tap ma ñinjingambay.

<sup>21</sup> Pen chech kisenimb band bap diy, chech wor ay pungrikningamb tam ak ñang dey; chech kisenimb ak kilis mindyng, chech wor ayingamb band ak pungrikiy, chech kiyk ak takiy nep pungrikek amningamb. <sup>22</sup> “Ñing wayn ak kunep. Ñing wayn kimnimb ak diy, meymey wak nindnimb mingan ak ma song aypay. Yenen: song ay simjen ñey; meymey wak ak biñ angyi, pungrikiy song am diningamb. Kun ak mey, ñing wayn kimnimb ak, meymey wak kimnimb mingan ak nep song ayep angak.”

*Minim Okok Sek, Lotiw Ñin Minim Ak Sek Gor Ñinuk Kond Mindip*

<sup>23</sup> Kisen Jiwda lotiw ñin bap, Jiysis binuk gok yip wiyt woŋg namb ak amyíng, binuk gok wiyt maŋgiy gunap tikiy, wak pik yokiy ñimbyíng ameyak. <sup>24</sup> Kun gey, Peresiy bi gok ñinjiy, Jiysis nup aŋgyak, “Miñiy lotiw ñin chin woŋg magep ak, binak gok yenen wiyt maŋgiy tik wak pikyokiy ñimbsipay aŋgyak.” <sup>25</sup> Aŋgeyak, Jiysis aŋgak, “Basind Depiyt wosrey yiwan gek gak kesim tikiyak ak, ma ñinbim? <sup>26</sup> Wosrey binak Abayra bi Gor nup simboŋgep yomb yimb mindyíngip ñin ak, Depiyt binuk gok yip kuyip yiwan gek, Gor aŋgniŋep korip ak amiy, biret biynimb yikop gok ma ñimbay; bi Gor nup simboŋgep gok nep ñimbay ak aŋgniŋey, ñek ñinjak ak pen, Depiyt timey gak aŋgiy ma apun. Yiwan gek gak apun aŋgak.” <sup>27</sup> Kun aŋgiy aŋgak, “Ñin bap yikop mindep minim ak nind aŋgiy, kisen biynimb gok ma gayak; kuyip gay añiŋ ay mindrep giyan aŋgiy, ñin bap yikop mindeniŋiy aŋgak. <sup>28</sup> Pen Nop aŋgek, “Bi bap Ñinuk tap okok kond mindiy, lotiw ñin ak kunep kond mindiy gip aŋgak.”

### 3

*Jiysis Bi Ñin Kalaw Gak Bap, Lotiw Ñin Ak Gek Suŋ Ayak*

*(Mat 12:9-14; Luk 6:6-11)*

<sup>1</sup> Ñin bap pen, Jiysis tip ak andkind Jiwda nan-gep korip ak amiy niŋak: bi ñin kalaw gak bap korip miŋgan kun ak ap mindek. <sup>2</sup> Bi Peresiy gok

Jiysis yerip rek gek, Jiwda kanjsol miytiyη giy nup kor ginjun angyi, kapkap niηmindeyak.

<sup>3</sup> Jiysis bi ñin kalaw gak anup angak, “Tikjakiy, siηbiy owan angak.” <sup>4</sup> Angek, nuk mindek siηak apek, kuyip angak, “Lotiw ñin chin ak yergep? Tep gep akanη timey gep? Biynimb gok kuyip simb niηiy gon kim amniηiy akanη, kirgon kumniηiy?” Angek, nup pen minim bap ma angyak. <sup>5</sup> Biynimb minim nup ma dinjun angyi niηyak kun gok kuyip, niηek nup mapin akak ak pen; gos tep ma niηbay angyi, kuyip simb niηak. Kun ak kuyip niηdand pandikiy, bi ñin kalaw gak ak nup, ñin parsek ayan angek, parsek ayakniη suη ayak. <sup>6</sup> Kun gek niηiy, bi Peresiy gok am Herot binuk mindeyak ak amiy, minim angninη angninη giy, Jiysis nup kun kun giy ñanηjun angyak.

<sup>7-8</sup> Jiysis pen kuyip kirgiy, binuk gok diy, am Galiyliy chemb gol siηak mindyakniη, biynimb kuηaynep wiyak. Galiyliy biynimb gunap, Taya-Saydon biynimb gunap, Jerusalem biynimb gunap, Jiwdiya biynimb gunap, Yidumiya biynimb gunap, Joden ñiη pis tawakdoη ken biynimb gunap nuk giyiηgip ar ak angey niηyak ak mey, nup niηniηg wiyak. <sup>9-10</sup> Pen nup diniηon chinup suη ayniηgamb angyi, ap chichmiy yim gey apek, binuk gok kuyip angek, bot bap di ayrep giyak. <sup>11</sup> Pen biynimb kichekiy malñiluk tap yerip ambaη ayak gok, Jiysis mindek siηak koηgim yimiy, minim yomb angyi angyak, “Nand Gor Ñinuk yimb angyak!” <sup>12</sup> Jiysis pen, kichekiy malñiluk gok kuyip minim kilis angyi angak, “Minim kun ak miseη ma angnimimb angak.”

*Jiysis Binuk Onep Wimingan Ak Dak  
(Mat 10:1-4; Luk 6:12-16)*

<sup>13</sup> Pen Jiysis miñmon taw bap amiy, binuk diting gak gok angek apeyak angak, <sup>14</sup> “Yand nimbip bi onep wimingan ak dispiyn ak mey, yand yip tangiy, bi minim yip dand amemb gok mindiy, angyoken am biynimb okok kuyip angñiningambim. <sup>15</sup> Nimbip aspiyn ak mey, kichekiy malñiluk tap gok kunep angyokningambim angak.” <sup>16</sup> Jiysis binuk dak kun gok yimb kiyk mey, bap Saymon, kisen Jiysis yimb nup bap Piyta angak. <sup>17-19</sup> Bap Jemis, numam bap Jon, nop kiyminay yimb ak Sebediy. Jiysis kuyipminay, timuk-bi angak. Binuk bap Enjriw; bap Piyliyp; bap Batlomiyy; bap Matyiw; bap Tomas; bap Jemis, nop nuk yimb ak Alpiyas. Bap Taydiyas, bap Saymon, nup Saymon Selot angyak. Bap Jiwdas Yiskariyot. Nuk mey, kisen Jiysis nup mimung gak.

*Jiysis Nup Seytan Amban Ayip Angyak*

<sup>20</sup> Pen Jiysis korip amek, tip ak biynimb kunaynep ap nan-gi mindyakniñ, binuk gok yip tap ñiñningiy rek ma ayak. <sup>21</sup> Kun gek, biynimb gunap Jiysis sakiy ayip angey niñiy, nonim, nunay, numam sikop nup pondining wiyak.

<sup>22</sup> Pen Jiwda low tiysa Jerusalem nimb wiyak gok angyak, “Belsiybul Jiysis nup amban ayip rek, malñiluk tap gok angyokip angyak.” Nup yesek kun angeyak, <sup>23</sup> nuk biynimb gok kuyip angek apeyak, minim ar kun ak paydon ay kuyip angrep giy angak, “Seytan yergiy Seytan nup angyokningamb? <sup>24-25</sup> Biynimb miñmon

nokom bap kiyk keynep penpen giningambay ak, wikan kun ak asik keykey ayingambay. Pen amyong apyong gok kunep penpen giy, asik keykey ayingambay. <sup>26</sup> Kun ak rek, Seytan nuk key kichekiy, malniluk tap nuk gok ma angyokningamb.

<sup>27</sup> “Bi kalrimey bap mindakniy, bi bap am, tap nup gok ma diningamb; miñ di tiwning ay nep mey, am tap nup gok diningamb.

<sup>28</sup> “Pen ninrep ginimimb! Biynimb gok tap siy tap timey yerip yerip giningambay ak, Gor nup angniney, ninjiy kirginingamb. Bapiy nup akan yip anjjiwningambay ak, kunep, kuyip ninjiy kirginingamb ak pen, <sup>29</sup> Kawnan nuk ak nup anjjiwningambay ak, ninjiy ma kirginingamb. Miker kun ak perper mindeningamb angak.” <sup>30</sup> Jiysis nup, Seytan yip mindip angeyak mey; kun angak.

### *Jiysis Nonim Numam Nuk Gok*

<sup>31</sup> Pen Jiysis nonim numam sikop ap mis akyan mindying, nup “Owan” angey, <sup>32-35</sup> biynimb korip mingan biyan nup pinjiy kuskus gi mindeyak gok angyak, “Nanim namam sikop ap mis biyan mindiy, nip owan aspay angyak.” Kun angeyak, Jiysis biynimb mindeyak gok nindand pandikiy angak, “Nimb mey amiy yand, mam yand gok mindpim. Biynimb Gor anqip rek nindipay gok mey, amiy, mam, ay yand gok rek mindpay angak.”

## 4

### *Tap Yiŋ Yimemb Minim Paydoŋ Ayak (Mat 13:1-9; Luk 8:4-8)*

<sup>1</sup> Jiysis Galiyliy chemb gol ak amiy, biynimb gok kuyip tip ak minim aŋŋni mindakniŋ, biynimb kuŋaynep ap nan-giyak. Kun geyak, Jiysis bot ar ak bisgiy, am niŋŋ namb siŋak mindyŋŋ, kuyip minim aŋŋnak. <sup>2</sup> Minim kun gok paydoŋ ay, ar keykey nep aŋŋnak.

<sup>3</sup> Ar bap paydoŋ ay aŋgak, “Minim aŋŋniŋ gispiyn ak niŋim! Bi bap wongday nuk ak piken piŋiy gayrep giy, wiyt maŋgiy dam diyokek amnakniŋ, <sup>4</sup> gunap kinjeŋ kosemb ar ak yapeniŋgamb, yakir gok ap niŋniŋgambay. <sup>5</sup> Gunap kamb ar man siskoy ayniŋgamb okok yapiy jakniŋgamb ak pen; <sup>6</sup> kindiy paryomb ma amnak rek, pumb niŋiy milip giniŋgamb. <sup>7</sup> Gunap kikasik dindbiliŋ mindeniŋgamb namb okok yapiy jakniŋgamb ak pen, kikasik dindbiliŋ gok pik niŋbek maŋgiy ma piyningamb. <sup>8</sup> Pen gunap man tep ar ak yapiy, jakrep giy, maŋgiy piyrep yimb giniŋgamb. Gunap maŋgiy niŋ jiwiy rek piyningamb, gunap maŋgiy niŋ jiwiy omiŋal rek piyningamb; gunap niŋ jiwiy onep tiŋgawip ak rek piyningamb aŋgak.”

<sup>9</sup> Jiysis minim kun ak aŋgjiwyŋŋ aŋgak, “Nimb biynimb gos timund sek mindeniŋimb gok, minim aspiyn biy niŋnimimb aŋgak.”

### *Minim Paydoŋ Ayak Kiŋiŋ Ak (Mat 13:10-17; Luk 8:9-10)*

<sup>10</sup> Biynimb Jiysis minim aŋgakniŋ, ap niŋmindeyak kun gok keykey amniyakniŋ, binuk

onep wimingan ak sek, biynimb nuk gunap sek nup angyak, “Minim paydon ay apan kiñiñ ak yerip angyak.” <sup>11</sup> Angeyak angak, “Gor biynimb diy kond mindeningamb minim ma niñyingipay ak; nimb niñiy niñningambim ak pen; biynimb gunap minim nup ma niñjun apay rek, kuyip paydon ay nep angñimbiyn. <sup>12</sup> Kiyk Asaya angak rek:

‘Windin niñbay ak pen, tap gunap ma niñbay. Minim niñbay ak pen, minim kiñiñ angip kun angiy ma niñbay. Niñrep gipyap rek, Gor nup angniñembiyap, tap siy tap timey gipay ak niñiy kirgipkop’ angak.”

*Paydon Ayak Minim Junj Ak Angñak  
(Mat 13:18-23; Luk 8:11-15)*

<sup>13</sup> Jiysis kun angiy kuyip angak, “Minim paydon ay angen ma niñbim kun ak; yergiy kisen minim paydon ay angeningayn niñningambim? <sup>14</sup> Wiyt yin ak, Gor minim nup ak angiy apiyn. <sup>15</sup> Manjiy gunap kinjeñ yomb ar ak yapek, yakir gok ap ñiñningambay apiyn ak; biynimb gok Gor minim niñbay ak pen, won ak Seytan ap gek, sakiy gipay angiy apiyn. <sup>16-17</sup> Pen gunap kamb ar man siskoy ayingamb okok yapiy jakningamb ak pen, kindiy am wos ma gek, pumb niñiy milip giningamb apiyn ak; Gor minim ak kisen won ak niñey tep gakniñ dingingambay ak pen, yep won bap mindiy, biynimb gunap minim angey niñiy akan, miker gunap apek, minim nup ak kirginingambay angiy apiyn. <sup>18-19</sup> Pen kikasik dindbiliñ namb ak yapiy jakiy manjiy ma piyningamb rek mey; biynimb Gor nup minim niñningambay ak pen;

wong wariy, korip minj kinemb, tiw minan, maniy, tap okok gosimb ninjiy, anjip rek ma giningambay. <sup>20</sup> Wiyt manjiy man tep ar ak yapiy jakrep giy, manjiy ñin jiwiy akan, ñin jiwiy gunap rek piyningamb apiyn ak; biynimb Gor minim ninjiy nup pisnep chingipay gok apiyn. Gunap nup direp gipay; gunap nup direp yimb gipay; gunap nup direp giying, ar kun ak key yimb gipay anjiy apiyn angak.”

*Lam Ak Dangiy Ar Sinjiyon Tik Ayep  
(Luk 8:16-18)*

<sup>21</sup> Jiysis pen tip ak, minim bap paydon ay angak, “Lam ak dangiy, bong molik okok akan, tiyn mingan okok ma aypay. Melik ginimunj anjiy, ar sinjiyon tik aypay. <sup>22</sup> Kun ak rek, minim yerip yerip miñiy weygiy mindip gok, kisen Gor gek misen niñningambay. <sup>23</sup> Nimb biynimb gos timund sek mindenimimb gok minim aspiyn biy niñrep ginimimb angak.”

<sup>24</sup> Kuyip minim bap angak, “Minim niñsipim ak ninjiy, niñrep ginimimb. Biynimb minim yiñrimey rek angningambay gok, Gor kuyip kunep yiñrimey rek angningamb. Biynimb minim sayn rek angningambay gok, Gor kuyip kunep minim sayn rek angningamb. <sup>25</sup> Biynimb minim ninjiy niñdiningambay gok, Gor kuyip gos tep ñek gunap sek niñningambay; pen ma niñningambay gok, kiyk siskoy niñbay ak niñek tap rek ma ayek, yiwur yomb ñiningamb angak.”

*Gor Biynimb Nuk Diy Kond Mindeningamb*

<sup>26</sup> Minim bap pen angak, “Gor biynimb diy kond mindeningamb ak, bi wonḡ nop gok wiyt maḡiy jakaḡ angiy, dam wonḡday kiyk okok yokey jakip rek nep giningambay. <sup>27</sup> Wiyt maḡiy wonḡday okok yokiy, kin taḡyakniḡ, gup giy jakningamb ak pen; yergiy jakip angiy ma niḡningambay; <sup>28</sup> man ak key gek jakiy, maḡiy piy, pik giningamb. <sup>29</sup> Pen wonḡday nop nimb ak pikgek niḡiy, tik dand wep ñin ak wip angiy, tik dand winingamb angak.”

*Biyimb Kuḡay Miñmon Keykey Okok Gor Angip  
Rek Niḡdiningambay*

*(Mat 13:31-32; Luk 13:18-19)*

<sup>30</sup> Jiysis kun angiy angak, “Gor biynimb diy kond mindeningamb ak, kesim yerip rek ak diy aḡgen niḡningambim? <sup>31-32</sup> Mey, mon mastet yinḡ rek ak aḡnim. Tap yinḡ gunap yomb yimbay gok sikoy jakip, pen mastet yinḡ ak sikoy yimb yimey jak yomb giy, alik pikek, yakir gok ap sisiy kun okok aymindpay angak.”

*Jiysis Minim Paydoḡ Ay Angyingip*

*(Mat 13:34-35)*

<sup>33</sup> Jiysis biynimb gok kuyip minim paydoḡ ay kun gok rek kuḡaynep aḡḡiyingip. <sup>34</sup> Minim misenḡ aḡḡen ma diningambay angiy, paydoḡ ay nep aḡḡiy, kisen binuk gok yip key mindying, minim junḡ gok aḡḡirep giyingip.

*Jiysis Anḡek Yinḡen Ak Kirgak*

*(Mat 8:23-27; Luk 8:22-25)*

<sup>35</sup> Ñin kun anep duḡep won ak, Jiysis binuk gok kuyip angak, “Kind bindoḡ amnun angak.”

<sup>36</sup> Kun angyi, binuk gok yip biynimb kunaynep ap mindeyak gok kuyip kirgiy, bot Jiysis mindek miŋgan ak amiy, bot gunap mindakniŋ, kiyk sanđiyak. <sup>37</sup> Namb amniyakniŋ, day yinŋen yindmund apiy, ñiŋ siy paŋ bot miŋgan ak amiy, poŋgek yowniŋ rek gak. <sup>38</sup> Jiysis nuk pen bot miŋgan day akneŋ ken, piylow jun ay kinakniŋ; binuk gok nup am kikawin giy angyak, “Tiysa, chin maŋgiysek kumniŋ gispun gos ak ma niŋban?” <sup>39</sup> Angeyak, Jiysis tikjakiy, yinŋen yindmund dek ak sek, ñiŋ siy paŋ apek ak sek angek kirgak.

<sup>40</sup> Pen binuk gok kuyip angak, “Yenen pirikpim? Gor chinup ma kond mindip angyi niŋbim?” <sup>41</sup> Angek, kiyk wal angyi, pen angninek pen angninek giy angyak, “Bi kun biy an? Yergiy anŋamb yinŋen yindmund ak sek, ñiŋ paŋ apamb ak sek anŋip rek gip angyak.”

## 5

### *Bi Kichekiy Ambaŋ Ayak Bap (Mat 8:28-34; Luk 8:26-39)*

<sup>1</sup> Jiysis binuk gok yip bot diy, Galiyliy chemb tikiy Gerasa biynimb mindeyak kind akdoŋ ken amjakyakniŋ, <sup>2</sup> bi kichekiy ambaŋ ayak bap Jiysis mindek ak awak. <sup>3-4</sup> Bi kun ak chip komyak kamb miŋgan okok kin taŋgyiŋip. Nup per sen diy, ñin tomb okok aybirikyinŋipay ak pen, sen gok gek puŋgrikek, amyinŋip. Giyinŋip kun ak, nup gey gos niŋnimuŋ rek ma ayak. <sup>5</sup> Pumbnamb kisyimken, chip komyiŋŋipay kamb miŋgan okok sek, miñmon yirik okok sek gawil giranŋyinŋ,

kamb diy mumbwak nuk gok key timbyingip.  
<sup>6</sup> Pen ñin kun ak nuk Jiysis nup parchim niñiy, pungrikind angyiy am apek siñak kongim yimek,  
<sup>7-8</sup> Jiysis kichekiy ambañ aymindek anup angak, “Kiring mis amnon angak.”

Angek angak, “Jiysis. Gor Biyomb sikerek Ñinuk. Yip yergining opan? Gor mindip rek yip miker ma ñinimin angak.”

<sup>9</sup> Kun angek, Jiysis bi kun anup angak, “Yimb nand yerip?” Angek angak, “Yip kichekiy kuñaynep ambañ ayip rek, yimb yand ‘Kuñaynep’ angak.” <sup>10</sup> Pen Jiysis nup, kichekiy gok kuyip paryomb okok ma angyoknimin angyiy, angninying nep mindek.

<sup>11</sup> Won kun ak, kanj kuñay yimb, tiw tawsin rek, amil ñimbeyak pir siñak ak mey, <sup>12</sup> kichekiy gok Jiysis nup angyak, “Chinup angey, am kanj guniyon kuyip molik sikun angyak.”

<sup>13</sup> Kun angey, kichekiy gok angyokek, am kanj gok kuyip molik sikey, punjjiw mindun biyan amiy, gi dam ñing biyan pikiy, mangyisek ñing ñimbiy kumdiyak.

<sup>14</sup> Pen bi kanj mokingipay gok, am dawin yomb gok, miñmon yikop gok minim kun ak angneyak, biynimb gok am niñun angyiy, Jiysis mindek ak wiyak. <sup>15</sup> Apiy niñyak: bi kichekiy kuñaynep ambañ ayak kun ak; chech yimiy bising mindrep gek, kuyip jel gak.

<sup>16</sup> Biynimb nind ap mindeyak gok, kisen wiyak gok kuyip, Jiysis yerer gak ak angniyak. Pen kanj gok kuyip yerer gak ak kunep angneyak niñiy, <sup>17</sup> Jiysis nup angyak, “Miñmon chinup biy

kirgiy amnonj angyak.” <sup>18</sup> Angeyak, Jiysis bot diy amning gek, bi gek sunj ayak ak angak, “Yand yip amjur akan?” <sup>19</sup> Angek angak, “Korip nak amiy, biynimb nak gok kuyip, Gor nip simb ninij yerer gip minim ak, angninimin angak.” <sup>20</sup> Angek, bi kun ak miñmon Dekapoliys girangyinj, Jiysis nup yerer gak ak, biynimb gok kuyip angnek ninij, wal yimb angyak.

*Jiysis Gek, Biyn Bap Sunj Ay, Pañ Kumak Bap Tikjakiy Gak*

*(Mat 9:18-26; Luk 8:40-56)*

<sup>21</sup> Jiysis pen bot diy, tip ak andkind am Galiyliy chemb pis tawakdonj ken mindakniñ, biynimb kuñaynep wiyak.

<sup>22-23</sup> Bi bap yimb nuk Jayras. Nuk Jiwda nan-gep korip ak kond mindyngip. Jiysis nup ninij, ap mindek siñak kongim yimiy angak, “Pañ mapin yand ak kumning gisap. Nand ap nup dininey, jak amnanj angak.” <sup>24</sup> Angek, Jiysis tikjakiy Jayras yip amnirikniñ, biynimb kuñaynep am Jiysis nup namb ay dand amniyak.

<sup>25</sup> Pen biyn bap, biyn kinjen pandikakniñ mindek simiy yin wimingan ak ayak. <sup>26</sup> Biyn kun ak dokta gok kuyip, yip gey sunj ayanj angyiy, maniy tawyngip ak pen, nup gey sunj ma ay, tapin yomb yimb gak. <sup>27-28</sup> Pen nuk Jiysis giyingip minim ak angey niñak rek, am chech band nup ak nep dininen sunj ayningamb angyiy, biynimb kuñay mindeyak namb ak, <sup>29</sup> mindek kund okok ken apiy, chech nup ak dininek, likañ yapyngip ak milip gak. Namb nuk akyan key niñak nup sunj ayak. <sup>30</sup> Pen Jiysis nup gak kun ak key ninij;

tungandikiy biynimb gok kuyip angak, “Chech yip ak an diniņsap?” <sup>31</sup> Angek, binuk gok angyak, “Biynimb kuņaynep nip chirok ñimbay ak, yenen yip an diniņimb angyi aspan angyak.” <sup>32</sup> Kun angey, Jiysis minim kuyip angyak ak ma diy, an diniņimb angyi piyowniņ mindek. <sup>33</sup> Pen biyn kun ak, nup yerer gak ak niņiy, pirikiy jep di giy, ap Jiysis mindek siņak koņgim yimiy, nup suņ ayak minim ak misen anğñak.

<sup>34</sup> Jiysis pen angak, “Pañ yand. Gor yip gek suņ ayniņgamb angyi gos niņban rek, nip gek suņ ayip nen, amiy mindrep ginimin angak.”

<sup>35</sup> Jiysis minim kun ak angakniņ, Jayras binuk gunap, korip nuk animb apiy angyak, “Panak mindarik kumimb; tiysa nup angey tomb yiwur ma winimuņ; angey andkind amnimuņ angyak.” <sup>36</sup> Kun angyak ak pen; Jiysis minim kuyip ak ma diy, Jayras nup angak, “Ma piriknimin; yip nep gos niņnimin angak.” <sup>37</sup> Pen biynimb gok kuyip, kun okok anğay, Piyta ak, Jemis ak, Jemis numam Jon ak kuyipyakam nep poņind amnak. <sup>38</sup> Jayras korip ak amjakiy niņak: biynimb kilpul anğyiņg, siy anğyiņg gi mindeyak. Niņiy korip miņgan biyaņ amiy angak, “Yenen kilpul anğyiņg, siy anğyiņg gispim? <sup>39</sup> Pañ ak ma kumimb; yikop wisin kinjap angak.” <sup>40</sup> Kun angek, nup sik anğeyak, kuyip anğ mis yokiy, pañ nop nonim ber ak diy, binuk kaw ak diy, poņind pañ ak kumek, korip ñiluk miņgan dayey mindek biyaņ amiy, <sup>41</sup> ñin kind nup ak diy, Jiwda minim angyi angak, “Taliyta kawim angak.” Minim angak kiñiņ kun ak mey, “Paskoy! Nip aspiyn; tikjakan angak.”

<sup>42</sup> Angek, pañ kun ak simiy nuk onep wimingan amnak ak mey, tikjakiy aran apyan gakniñ, biynimb gok wal yimb angyak. <sup>43</sup> Kun geyak, Jiysis minim kilis angyi angak, “Gipiyn kun ak biynimb gok kuyip misen ma angninimb angak.” Kun angying angak, “Pañ anup keñmangyi gunap ñem ñinjan angak.”

## 6

### *Nasaret Biynimb Jiysis Nup Ma Diyak (Mat 13:53-58; Luk 4:16-30)*

<sup>1</sup> Jiysis binuk gok poñind miñmon kun ak kirgiy, miñmon nuk Nasaret amnak. <sup>2-3</sup> Am mindiy Jiwda lotiw ñin ak apek, nan-gep korip ak amiy, biynimb kuñay ap mindeyak gok kuyip minim angnakniñ, niñiy wal angyi angyak, “Bi kun biy kapenda miñmon biy nimb nep; Mariya ñinuk bap. Numam nuk Jemis, Josis, Jiwdas, Saymon sek, nunay nuk gok sek yip mindpun biy. Pen minim kun ak akay nimb niñiy angyip? Tap mageprek yergiy gip?” Kun angyi, nup ma diyak.

<sup>4</sup> Pen Jiysis kuyip angak, “Bi Gor minim angep gok, miñmon wikan gunap giranvey, biyomb chin angyi dipay ak pen; biynimb korip miñmon kiyk key gok, minim kuyip ak ma dipay angak.” <sup>5</sup> Nup gosimb ma niñyak kun ak, tap mageprek gunap ginimuñ rek ma ayak. Biynimb tap gak gunap nep dinjek suñ ayak. <sup>6</sup> Pen Nasaret biynimb nup, Gor Ñinuk yimb angyi gos ak ma niñeyak, nuk wal yimb angak.

*Binuk Onep Wimingan Ak Wong Yip Ginimimb  
Angyi Angyokak*

*(Mat 10:5-15; Luk 9:1-6)*

Jiysis pen korip miñmon kun okok tangying, biynimb gok kuyip Gor minim ak angñak. <sup>7</sup> Nin bap binuk onep wimingan ak suk angek apey angak, “Bi omiñal ak key, bi omiñal ak key miñmon okok keykey amiy, minim angñinimimb. Yand nimbip angyoksiyyn rek, minim angñi tangying, kichekiy malñiluk tap gok anğ mis yokning, angyokningambim angak.” <sup>8</sup> Minim bap pen angak “Amning; tap ñiñemb, maniy, wand sikoy, tap gok dand ma amnimimb; yir kondim anep dand amnimimb. <sup>9</sup> Tomb tirup ay amnimimb ak pen, tingliys nokom bap nep ay amnimimb, gunap sek dand ma amnimimb. <sup>10</sup> Korip bap amem nimbip anğdeningiy, korip kun anep mindiy, amning ginimimb ñin anep amnimimb. <sup>11</sup> Miñmon bap amjakem nimbip ma anğdiy, minim nimbip ak ma niñeningiy, miñmon kun ak kiring amning, niñyañ angyi, tomb silkul pikem yapek amnimimb angak.” <sup>12</sup> Angek, kiyk miñmon sikoy keykey amiy, biynimb gok kuyip minim angñiyiñg angyak, “Tap siy tap timey gipim gok, Gor nup yenen kun gipun angyi, kirginimimb angyak.” <sup>13</sup> Kun angyi, biynimb kichekiy malñiluk ambañ ay mindek gok, kichekiy malñiluk anğ mis yokiy, biynimb tap gak gok wel ayñey jak amniyak.

*Jon Nup Kuñam Tikey Kumak*

*(Mat 14:1-12; Luk 3:19-20; Luk 9:7-9)*

<sup>14</sup> Pen Jiysis gak rek, minim ak miñmon okok kind kind amek, kiyn Herot kunep niñak. Biyn-imb gok, minim kun ak anğ amiy apiy giying, gunap angyak, “Jon bi ñiñg pikñemb kumek komyak ak, tip tikjakiy mey, ap tap mageprek kun gok gisap angyak.” <sup>15</sup> Gunap angyak, “Bi kun ak binak Yilayja; bi siñok nind apek, Jiwda Kiyn yomb key yimb kisen winiñgamb apay ak angyak.” Gunap angyak, “Bi Gor minim anğep wosrey mindyñgipay rek bap ap mindip angyak.” <sup>16</sup> Pen kiyn Herot nuk niñiy anğak, “Ak Jon bi ñiñg pikñemb nind kuñam tiknik anep tikjakiy, ap kun gisap anğak.”

<sup>17-19</sup> Yenen, nind Herot, numam Piyliyp biynuk Herodiyas nup dek, Jon anğak ak timey gip anğek, Herodiyas Jon nup miluk niñiy anğek, Herot binuk gunap angyokek, am Jon nup dand apiy, kalambis ayak. Biyn Herodiyas, Jon nup pikayin anğiy gos niñak ak pen; <sup>20</sup> Jon tap timey ma giyñgip; minim nuk yerip yerip anğek Herot niñiy, minim tep, yipund giy nep anğip anğiy, pirikiy biyn Herodiyas nup yaw anğnimuñ rek ma ayek, <sup>21</sup> Jon nup yergiy pikaynim anğiy, gos okok nep niñmindyñgip. Mind mind minek bap, Herot nonim nup tikak ñin ak apek, tap yomb ñiñning, gapman biyomb gok, amiybi yomb gok, biyomb miñmon Galiyliy nimb gok suk anğek, tap yomb ñiñning wiyak. <sup>22</sup> Ap tap ñiñyakniñ, Herodiyas panuk ap deniys gek, biyomb ap mindeyak gok sek, Herot sek niñey kuyip tep gek, Herot pañ kun anup anğak, “Gipan kun ak tap yerip anğniñeniñgamban nip ñiniñgayn. <sup>23</sup> Pen miñmon

yomb kond mindpiyn ak angniney, nip day ak angen kond mindeningamban angak.”<sup>24</sup> Kun angek, pañ ak am nonim Herodiyas nup tap yerip ak angninim angek angak, “Jon bi ñing pikñemb jun won nup ak angnimin angak.”<sup>25</sup> Angek, panuk kasek kiyn Herot mindek ak amiy angak, “Yep won biy nep, Jon bi ñing pikñemb kuñam ak tikiy, jun won nup ak di piler ar ay, dap yip ñey niñiy mey; pisnep kumimb angyi niñnim angak.”

<sup>26-28</sup> Kun angek, kiyn Herot Jon nup niñek simb timey gak ak pen, nuk biyomb gok niñmindey pañ anup, tap yerip yip angniney ñiningayn angak rek niñiy, amiybi nuk bap angyokek, am Jon nup jun won ak timbrikiy, di piler ar ay dand apiy, pañ kun ak nup ñek, nuk dand amiy, nonim nup ñak.<sup>29</sup> Pen Jon binuk gok, nup kuñam tikyak ak angey niñiy, am mumbwak dand apiy, kamb miñgan ak komyak.

### *Jiysis Biynimb Kuñaynep Tap Keñmangyi Ñek Ñiñyak*

*(Mat 14:13-21; Luk 9:10-17; Jon 6:1-13)*

<sup>30</sup> Jiysis binuk gok andkind apiy, biynimb gok kuyip minim angniney yerer giyak gok, Jiysis nup angniyak.<sup>31</sup> Pen biynimb kuñay yimb nep amiy apiy geyak, Jiysis binuk gok yip tap ñiñningiy rek ma ayek, kuyip angak, “Chin biynimb ma mindpay namb okok amiy, yikop mindenjun angak.”<sup>32-34</sup> Kun angyi, binuk gok yip bot diy amniyakniñ, biynimb miñmon kun okok Jiysis amjap angyi, ñing gol ar kinjen par ak nind amiy, Jiysis binuk gok yip amniñg geyak okok, nind am mindeyak. Jiysis amjakiy kuyip

ninek, kiyk kanj siypsiyp bi kond mindep bap ma mindip rek ak mindeyak. Kun ak ninjek simb gek, kuyip minim gunap tapin angñi mindek. <sup>35</sup> Pumb pañind amnakniñ, binuk gok apiy nup angyak, “Pumb sañind amimb. Akniy miñmon nep namb okok nen, <sup>36</sup> biynimb guniy angyokey, miñmon korip yep mañ akniy amiy, tap keñmañgiy kiyk gunap taw ñinyan angyak.”

<sup>37</sup> Angeyak angak, “Nimb key kuyip keñmañgiy ñinimimb angak.” Angek angyak, “Kun apan ak, chin maniy yir anep tingawip piskind ak dand amiy, keñmañgiy taw dand apiy kuyip ñinjun?”

<sup>38</sup> Angey, Jiysis angak, “Biret nimb yerip yerip mindip am ninim angak.” Angek am ninij angyak, “Biret onep mamind ak, piys omiñal sek mindip angyak.” <sup>39</sup> Kun angeyak angak, “Biynimb guniy angem, asik bum keykey ay, tap kaskas ar akniy bisgey amnan angak.” <sup>40</sup> Angek, kuyip angeyak,

gunap piyptiy rek bum giyak; gunap wan handret rek bum giyak. <sup>41</sup> Pen Jiysis biret kaw ak sek, piys omiñal ak sek diy, kiyonjiy ninij, Gor nup tep anjiy, biret ak tipang binuk gok kuyip ñek, kiyk biynimb gok kuyip bilok ñiyak. Piys omiñal ak kunep ñek, biynimb gok kuyip bilok ñiyak.

<sup>42</sup> Ñeyak, ñimb gey gey kuyip tapin ayak. <sup>43</sup> Tap day day kirgiyak gok, Jiysis binuk gok wand diy ying gey gey, wand onep wimiñan ak arachakak.

<sup>44</sup> Tap ñinyak ñin kun ak bi gok nep mey, payp tawsin annak.

### *Jiysis Ñing Kas Ar Ak Tawind Amnak*

<sup>45</sup> Pen Jiysis binuk gok kuyip angek, bot diy Betsayda kind bindon amniyakniñ, biynimb gok

kuyip key angyokek amniyak. <sup>46</sup> Angyokiy, nuk miñmon yirik bap amiy, Gor nup angnin mindek.

<sup>47-48</sup> Kisyim winiņg gak won ak, Jiysis nep mindiy niņak: Binuk gok bot diy ñiņg namb sinbindoņ amniyakniņ, yiņgen ak ameyak okok ken apek, kosyam ñiņg kas pikrikyiņg amniyak. Miñmon turgum tikak won ak, nuk ñiņg kas ar ak amiy, kuyip tawsak ay amniņg gek, <sup>49</sup> nup angninyak-eņ chip kawnan angyi, pirikiy kumb gawil giyak. <sup>50</sup> Kun giy pirikeyak, Jiysis kuyip angak, “Ma piriknimimb! Yand nep aswiyn! Gos yomb ma niņnimimb angak.” <sup>51</sup> Angyi, bot miņgan amek, pinim dek ak kirgak. Kun gek, yergiy kun gip angyi, gos kuņay yimb niņyak. <sup>52</sup> Biret diy biynimb kuņaynep bilok ñak ak niņyak ak pen, gos kuyip pikñiņak rek, Gor Ñinuk ak mey kun gip angyi ma niņyak.

### *Jiysis Gek Biynimb Tap Gak Gok Sun Ayak*

<sup>53</sup> Pen ñiņg namb ak am am miñmon Genesaret amjakiy, bot ak tiwniņg ayak. <sup>54</sup> Bot ak kiring amniyakniņ, biynimb kun okok Jiysis owip angey niņiy, <sup>55</sup> kasek miñmon kind kind amiy, biynimb tap gak gok kuyip dand Jiysis am mindek okok amniyak. <sup>56</sup> Ñin kun gok Jiysis miñmon yikop akan, dawin yomb okok amjakek, biynimb tap gak gok kuyip dap maker namb ak ay angyak, “Nand mindey biynimb tap gip gok, chech day nip okok nep di niņey, kuyip sun ayaņ angyak.” Kun angeyak, nuk minim kuyip ak diy niņmindakniņ, biynimb nup diniņyak gok sun ayak.

## 7

*Yergek Asin Mindeningambun*

<sup>1</sup> Bi Peresiy gunap, bi low tiysa gunap Jerusalem nimb ap mindiy niňyak: <sup>2</sup> Jiysis binuk gunap nusind nupis sikop asikrep giy, tap ñimbyňgipay rek ma giyak. <sup>3-4</sup> Peresiy biynimb gok diy, Jiwda biynimb gok maňgiysek, nusind nupis sikop angyňgipay rek niňiy, monmon ma giy; ñin ñiňg ay gilunđ yokiy nep tap ñimbay. Biynimb Jiwda mer gok mindpay namb ak amiy, kunep ñin ñiňg ay gilunđ yokiy nep tap ñimbay. Pen tiyn, piler, kap tap okok kunep kilrimey gipay.

<sup>5</sup> Kun ak Jiysis binuk gok yikop ñiňyak kun ak niňiy, bi Peresiy gok sek, bi low tiysa gok sek nup angyak, “Bi nand gok yenen, basind apis sikop angyak rek ma gipay?” <sup>6</sup> Anđeyak, Jiysis anđak, “Asaya nimbip bi minim nep apim gok, niňind yimb anđiy Baybol buk ak tikiy anđak, ‘Biynimb guniy Gor Biyomb chin; Gor Biyomb chin apay ak pen, kiyk yikop minim anep apay; yip gosimb ma niňbay. <sup>7</sup> Gor minim tep ak anđñispun anđiy, biynimb apay minim anep anđñimbay anđak.’”

<sup>8</sup> Nimb Gor nup minim ak kirgiy, biynimb minim apay ak dun anđiy, nap nasind sikop angyňgipay ar ak kindik gipim anđak.”

<sup>9</sup> Jiysis kuyip tip ak anđiy anđak, “Nimb Gor minim anđip ak kirgiy, minim nimbik key anep apim. <sup>10-11</sup> Mosis minim bap tikiy anđak, ‘Nap nanim minim anđnimiyr rek niňdiy, kuyip di-rep ginimimb. Pen ñapan gunap nop nonim

kuyip minim timey angeningiy, pikayem kumningiy angak.’ Pen nimb yenen minim kun ak rek ma angñimbim. Biynimb gunap nop nonim kuyip kirgining, tap kuyip ñimbinup rek ak, Gor nup angyi aypun angey, <sup>12</sup> ‘Ak angrep gispim apim.’ <sup>13</sup> Gipim kun ak, Gor nup minim ak kirgyi, nap nasind sikop giyingipay miñ ar ak nep gem amimb angak.”

*Tap Biynimb Gek Gach Gip Gok*  
(Mat 15:10-20)

<sup>14</sup> Jiysis kun angyi, biynimb gok kuyip angek mindek kiñij siñak apey angak, “Minim angning gispiyn ak ninji, niñrep ginimimb. <sup>15</sup> Tap ñimbey namb biyan amningamb ak gach ma mindeningamb; namb biyan nimb mis winingamb anep mey, gach mindeningamb. <sup>16</sup> Nimb biynimb gos timund sek mindenimimb gok, timund ay niñrep ginimimb angak.”

<sup>17</sup> Jiysis kun angyi, biynimb gok kuyip kirgyi korig mingan amek, binuk gok nup angyak, “Minim paydon ay apan kun ak, kiñij nuk ak yerip?” <sup>18</sup> Angey angak, “Kiyk ma niñbay rek, nimb kunep ma niñbim? Tap asikpay gok, monmon ñimbey kongiy namb biyan amek, Gor niñek gach ma mindeningamb. <sup>19</sup> Yenen: tap ñimbay kun gok gosimb niñbay namb biyan ma amningamb; kongiy namb biyan nep amek, simb sek kiy yokningambay angak.” Jiysis minim angak kun ak, tap okok mangiysek ñiñemb nep; asikep gunap ma mindip angak.

<sup>20</sup> Pen Jiysis angak, gos timey namb kuyip akyan nimb apek mey; timey gey Gor niñek

minim mindip. <sup>21</sup> Biynimb gok namb kuyip biyan gos timey awakniņ, timey giy, tap siy diy, chip ñaņgiy, biyn siy bi siy giy, <sup>22</sup> timey nep giy, minim timey aņgiy, tap gok yip rek mindembikop aņgiy, miluk niņiy, biynimb aņjjiwiy, monmon giy, yimb key dand araniy timey gep gos nokom niņiy gipay. <sup>23</sup> Tap timey gipay kun gok key okok nimb ma wip, gos timey ak namb kiyk biyan nimb apamb timey gambay mey, gach mindip.

*Biyn Bap Pañ Yip Ak Gek Suņ Ayningamb Aņgiy Niņak*

*(Mat 15:21-28)*

<sup>24</sup> Jiysis Galiyliy kirgiy, am miñmon Taya maņ okok amnak. Amiy, biynimb gok yip miñiy ma niņniņgiy aņgiy, korip miņgan bap am weyiņg mindek ak pen; weygiy mindonimuņ rek ma ayak. <sup>25-26</sup> Biyn bap, panuk nup kichekiy abañ ayak ak mey, Jiysis wip aņgey niņiy, am mindek kiñiņ siņak jun paņgiy aņgak, “Pañ yip kichekiy abañ ayip ak, gey mis amnaņ aņgak.” Biyn kun ak nuk Jiwda mer bap. Nup tikyak miñmon Siyriya; dawin yomb nuk mey Poniysiya. <sup>27</sup> Pen kun aņgek, Jiysis nup tikdam ay aņgak, “Keñmaņgiy ñapan chin gok ñemb ak di kayn mokon, timey giniņgamb aņgak.” <sup>28</sup> Aņgek, biyn ak pen aņgak, “Biyomb! Ak tep apan ak pen, ñapan gok tap ñimbey, day day gok nep bonņ molik okok yapek, kayn ñiluk gok ñimbay sek aņgak.” <sup>29</sup> Aņgek, Jiysis minim kun ak niņiy aņgak, “Nand kun apan ak, pañ nand kichekiy molik sikiy mindamb ak, gambiyn mis amimb nen amninin aņgak.”

<sup>30</sup> Angek, andkind amiy niñak: kichekiy kiring mis amek, panuk minj ar ak kapkap kin mindek.

*Bi Timund Pilgak Bap Jiysis Gek Timund Panгыikak*

<sup>31</sup> Jiysis miñmon Taya kun ak kirgiy, am miñmon Saydon amiy, miñmon Dekapoliys namb okok amiy, Galiyliy chemb amnak. <sup>32</sup> Amjakakniñ, biynimb gok bi timund pilgiy minim anğrep ma giyingip bap dand apiy, Jiysis nup anгыak, “Bi biy nup diniñey suñ ayan anгыak.” <sup>33</sup> Anğeyak, Jiysis bi kun anup poñind keykey siñak amiy, ñin mañgiy par ak timund miñgan nup ak yokiy, ñin mañgiy kuñik giy alemb nup ak diniñying, <sup>34</sup> kuyonгыy niñiy, miker gakniñ, “Epata” angak. Epata angak minim kiñiñ kun ak “Panгыikan angak.” <sup>35</sup> Kun angakniñ, bi kun ak timund miñgan ak panгыikiy, alemb awan amnakniñ, day minim yipund giy angak. <sup>36</sup> Angakniñ, Jiysis kuyip minim kun ak biynimb okok ma anğñinimb angak ak pen, kiyk amiy biynimb kuñaynep anğñiyak. <sup>37</sup> Minim kun ak anğñey niñiy, wal anгыy anгыak, “Jiysis tap okok mañgiyse, biyomb ak apiy giningamb anгыak rek nep gip. Biynimb timund pilgip gok gek niñrep gipay, biynimb alemb miker gip gok gek, minim anğrep gipay anгыak.”

## 8

*Jiysis Bi Kuñaynep Tap Keñmañgiy Ñak  
(Mat 15:32-39)*

<sup>1</sup> Ñin namb kun siñak nep biynimb kuñaynep ap mindey, keñmañgiy ma mindek, Jiysis binuk gok suk angek apey angak, <sup>2</sup> “Yand biynimb guniy kuyip simb niñsiyiyn. Ñin omiñal nokom yand yip mindiy, yikop mindipay. <sup>3</sup> Kuyip yiwan nep angyoken, gunap paryomb okok nimb opay rek, kinjeñnamb okok amiy, windin mayn apek milokniñgambay angak.” <sup>4</sup> Angek, binuk gok angyak, “Miñmon nep namb akniy, keñmañgiy akay nimb diy ñinjun?” <sup>5</sup> Angey, Jiysis angak, “Biret nimb yerip yerip mindip?” Angek, “Onep ar ak angyak.” <sup>6</sup> Kun angey, Jiysis biynimb gok kuyip angek bisgiyakniñ, biret onep ar kun ak diy, Gor nup tep angyi, tipañgiy binuk gok kuyip ñek, kiyk diyñg biynimb gok kuyip bilok ñiyak. <sup>7</sup> Piys sikoy kaw bap di mindeyak ak sek ñey, Gor nup tep angyi ñek, bilok ñiyak. <sup>8-10</sup> Ñey, ñimbey ñimbey kuyip giy angakniñ, Jiysis binuk gok wand onep ar ak diy, day day mindek gok yinğey arachakak.

Bi tap ñiñyak kun gok, pow tawsin rek. Jiysis pen, biynimb kun gok kuyip angyokiy, binuk gok yip bot diy, miñmon Dalmaniwra amniyak.

### *Peresiy Gunap, Tap Mageprek Ak Gey Niñun Angyak*

*(Mat 16:1-4; Luk 12:54-56)*

<sup>11</sup> Bi Peresiy gunap Jiysis nup nembnemb gon yerip rek angnimuj angyi, ap nuk yip minim ang amiy apiy giy angyak, “Tap mageprek bap semb biyon nimb gey, chin niñun angyak.” <sup>12</sup> Kun angey, nup yiruk gakniñ angak, “Biynimb miñiy mindipay ñin biy, yenen apay, “Tap mageprek

semb biyon nimb bap gey niñun apay?’ Yand nimbip niñind yimb aspiyn. Gor nimbip tap mageprek kun ak rek bap ma gek niñningambim angak.”

<sup>13</sup> Kun angiy, kuyip kirgiy, binuk gok yip ñiñg tikiy kind bindoñ amniñg, bot diy sanñiyak.

*Jiysis Yiys Minim Paydoñ Ay Angyiñg, Peresiy Minim Kuyip Ak Ma Dinimimb Angak*  
(Mat 16:5-12)

<sup>14</sup> Pen binuk gok sakiy giy, biret kuñay mer: nokom bap dand amniyak. <sup>15</sup> Namb okok amyiñg, Jiysis kuyip angak, “Peresiy yiys kiyk ak sek, Herot yiys nuk ak sek ma ñiñnimimb angak.”

<sup>16</sup> Kun angek, binuk gok kiyk key angnin angnin giy angyak “Biret gunap sek ma dowpun rek asap angyak.” <sup>17</sup> Jiysis pen, kiyk angyak kun ak key niñiy angak, “Yenen, biret dand ma owpun angiy aspim? Nimbip gos tep mayak ak mey, niñrep ma gipim? <sup>18</sup> Windin ayak ak ma niñbim? Pen timund ayak ak ma niñbim? Akan niñiy sakiy gipim. <sup>19</sup> Bi payp tawsin mindeyak ñin ak, biret onep mamind ak di tipañg ñenik, ñimbiy kirgiyak gok, wand yerip yerip yingpik?” Angek, “Wand anep wimiñgan ak yingnuk angyak.” <sup>20</sup> Kun angeyak angak, “Pen bi pow tawsin mindeyak ñin ak, biret anep ar ak di tipañg ñen, ñimbiy day day kirgiyak gok wand yerip yerip yipik?” Angek angyak, “Wand onep ar ak yingnuk angyak.” <sup>21</sup> Angey angak, “Pen nimb gos kun ak ma niñiy sakiy gipim?”

<sup>22</sup> Pen kiyk miñmon Betsayda kind bindoñ am-jakyakniñ, biynimb gunap bi windin koy gak

bap dand apiy, Jiysis nup angyak, “Nup dininan angyak.” <sup>23</sup> Angeyak, Jiysis bi windin koy kun anup ñin kind ak diy, poñind gol okok amiy, windin nup ak kuñik giñiy, nup dininijy angak, “Tap gunap niñsipan akan angek,” <sup>24</sup> “Yaw. Biynimb gok niñsipiyn ak pen, mon bind rek gok giraspay angak.”

<sup>25</sup> Angek, Jiysis tip ak windin mangiy nup ak dininek, day tap okok mangiysek niñkind yimb angak. <sup>26</sup> Pen Jiysis bi kun anup angak, “Tip ak andkind biynimb mindpay bindonj ma amninim; korip nak yipund giy amninim angak.”

*Piyta Angak, “Nand Gor Ñinuk Krays Nep Angak”*

*(Mat 16:13-20; Luk 9:18-21)*

<sup>27</sup> Jiysis binuk gok yip miñmon Siysariya Piyliy-pay amning san diyak. Kinjenamb okok amyinng kuyip angak, “Biynimb gok, yip an angyi niñbay?”

<sup>28</sup> Angek angyak, “Biynimb gunap nip Jon bi ñing pikñemb ak apay; gunap Yilayja apay; gunap bi Gor minim angep bap apay angyak.” <sup>29</sup> Angeyak, Jiysis kuyip angak, “Nimb pen yip an angyi niñbim?”

Angek, Piyta angak, “Nand nep mey, Jiwda Kiyñ yomb key yimb per kond mindyinjipun ak nep angyi niñbun angak.” <sup>30</sup> Angek, Jiysis angak, “Biynimb okok kuyip minim kun ak ma angnimimb angak.”

*Jiysis Angak, “Yand Kumiy Tip Tikjakningayn Angak”*

*(Mat 16:21-28; Luk 9:22-27)*

<sup>31</sup> Jiysis pen, binuk gok kuyip minim anğñiyiņğ anğak, “Bi bap Ñinuk yiwur yomb yimb diniņğamb. Biyomb minim tunğasikep gok sek, biyomb Gor nup simbonğep gok sek, bi low tiysa gok sek nup miluk niņiy pikayeniņğambay kumiy, ñin omiņal nokom mindiy, tip ak tikjakniņğamb anğak.” <sup>32</sup> Jiysis minim kun ak misenğ anğek, Piyta nup dand gol okok amiy, anğ giyiņğ anğak, “Minim kun ak rek ma anğnimin. Nip kun ak rek ma giniņgiy anğak.” <sup>33</sup> Jiysis tunğandikiy binuk gok kuyip niņiy, Piyta nup anğak, “Seytan! Key okok amnoņ! Gor gos ñimb rek ma aspan; biynimb gos key niņbay rek niņiy aspan anğak.”

<sup>34</sup> Kun anğiy, binuk gok sek, biynimb kuņaynep ap mindeyak gok sek suk anğek, kiñiņ siņak apeyak anğak, “Biynimb yip ker mindniņğ giniņgiy gok; tap yerip man ar biy gos niņbay ak kirgiy, pumbnamb kisyimken yip kisen giy, miker yomb dep akanğ, kumemb gos ak sakiy giy, yip nep chingiy tanğeniņgiy.” <sup>35</sup> Biynimb Jiysis nup diy mindon, tep ma giniņğamb anğiy niņniņğambay gok; pisnep apyap pikniņğambay. Pen biynimb Jiysis nup diy, minim tep nup diy mindon, chinup timey giniņğambay ak minim ma mindip anğiy gey amniņğamb gok; Gor gek perper mindeniņğambay.

<sup>36</sup> “Pen nimb tap man ar biy dun anğiy gem amek, gos yomb nimbik ak ar kun anep ameniņğamb; perper mindenimimb rek ma ayiņğamb.” <sup>37</sup> Akanğ, tap yerip rek Gor nup yomem, nuk pen nimbip gek perper mindeniņğambim.

<sup>38</sup> Kun ak, biynimb an biynimb tap siy tap timey gipay namb ak mindyinq, nambiq ginimun rek ayek niñiy, Jiysis nup gosimb ma niñbun aᅇᅇᅇᅇᅇᅇᅇ ak, kisen kuyip simb giniᅇᅇᅇᅇ. Yenen: Bi bap Ñinuk Nop aᅇᅇᅇ, enjol melik tep gok sek winiᅇᅇᅇᅇ ñin ak, Nop nuk anup aᅇᅇᅇᅇᅇᅇ, ‘Biynimb kun gok yand ma niñbiyn aᅇᅇᅇᅇᅇᅇ aᅇᅇᅇ.’ ”

## 9

<sup>1</sup> Pen Jiysis kun aᅇᅇiy, minim bap aᅇᅇak, “Minim aspiyn biy niñrep ginimimb! Nimb biynimb mindpim guniy gunap kim mindpikniᅇ, Gor biynimb diy kond mindeniᅇᅇᅇᅇ ñin ak, Jiwda Kiyᅇ yomb key yimb ak, yimb yomb sek apek niñniᅇᅇᅇᅇᅇᅇ aᅇᅇᅇ.”

### *Jiysis Mumbwak Nup Ak Key Yimb Ayak (Mat 17:1-12; Luk 9:28-36)*

<sup>2</sup> Pen kisen ñin onep kaᅇᅇol ak mindiy, Jiysis gak: Piyta ak, Jemis ak, Jon ak kuyip yakam poᅇᅇind, miñmon dum yiy akyoᅇ bap amniyak. Amiy, Jiysis nup niᅇᅇey mumbwak nup ak key yimb ayak. <sup>3</sup> Chech nuk ak tundrimey yimb giy, ñiñakol yimb gak. Pen biynimb man ar biy bap chech gunap wasyim gey, tund kun ak rek, aynimun rek ma ayip. <sup>4</sup> Pen won kun ak niᅇᅇyak; Mosis yip Yilayja yip ap, Jiysis yip minim aᅇᅇerik. <sup>5</sup> Kiyk niñiy, Piyta Jiysis nup aᅇᅇak, “Tiysa. Chin tep yimb ap biy mindpun! Kun ak chin korip bandak band omiᅇᅇol nokom ginjun; nip bap, Mosis nup bap, Yilayja nup bap aᅇᅇᅇ.”

<sup>6</sup> Kiyk yakam pirikyak rek, Piyta aņgnim kun aņgiy niņrep giy mer, monmon kun aņgak.

<sup>7</sup> Pen semb ak ap kuyip yiw gakniņ, minim bap semb namb kun ak aņgak, “Ak Ñi mapin yand yimb. Minim aņgnimuņ rek niņnimimb aņgak.”

<sup>8</sup> Kun aņgakniņ, kiyk niņkuskus giy niņyak, bi ominal kun ak ma minderik; Jiysis nep mindek.

<sup>9</sup> Pen dum biyoņ kirgiy, apyapyiņg, Jiysis aņgak, “Dum biy apambun tap gamb niņbim ak, miñiy biynimb gunap kuyip ma aņgñinimb. Kisen Bi bap Ñinuk kumiy tikjakek, misen aņgñinimb aņgak.” <sup>10</sup> Aņgek, kiyk minim kun ak niņind aņgip aņgiy, biynimb gunap kuyip ma aņgñiyak, kiyk keynep aņgniņ aņgniņ giy aņgyak, “Kumiy tikjakniņgayn aņgip minim kiñiņ ak yerip?” <sup>11</sup> Kun aņgiy, Jiysis nup aņgniņiy aņgyak, “Bi low tiysa gok yenen apay, Yilayja nind apek, kisen bi kiyņ yomb key yimb ak winiņgamb apay?” <sup>12</sup> Aņgeyak, Jiysis aņgak, “Niņind apay. Baybol buk ak tikiy aņgyak, ‘Bi Yilayja nind apiy aņgek, biynimb gok minj moka giy mindyakiņ, Bi bap Ñinuk ak kisen winiņgamb aņgyak.’ Pen biynimb gok Bi bap Ñinuk nup ma diy, yiwur yomb ñiniņgambay aņgyak minim ak, nimb ma niņbim? <sup>13</sup> Pen bi Yilayja aņgyak kun ak, kisen winiņgamb aņgiy gos ak ma niņnimimb. Nup nind tikey yomb giy, minim aņgñakniņ nup timey yimb giyak. Kun ak Baybol buk ak tikiy, giniņgambay aņgyak rek nep gak aņgak.”

*Ñiskoy Kichekiy Ambaņ Ayak Bap, Jiysis Gek*

## *Ñiyimb Ayak*

*(Mat 17:14-21; Luk 9:37-43)*

<sup>14</sup> Pen kiyk biyan amiñ ninyak; bi low tiysa gunap, Jiysis binuk onep anjip gok yip penpen anj mindyakniñ, biynimb kunjaynep ap kuyip piñiy kuskus gi mindeyak. <sup>15</sup> Kun giy niñmindyakniñ, Jiysis apchakek jiw di giy, am nup wasiw anjdiyak.

<sup>16</sup> Jiysis binuk gok kuyip anjñiy angak, “Yenen pen anjek pen anjek gispim?” <sup>17-18</sup> Kun angakniñ, bi bap biynimb mindeyak namb kun ak nimb angak, “Tiysa. Ñiyand ak kichekiy aban ayek, minim ma anjip. Ñin gunap nup tapin gek, apyap pikiy, meñg sipyimiñ, kosimb asimbiñ apiy, ñin tomb yindgiy gip. Per kun gek gek mey, dand opiyn ak pen; binak gok kuyip anjen, kichekiy ak angyok merniñ kirpay angak.”

<sup>19</sup> Kun anjek, Jiysis kuyip angak, “Nimb biynimb miñiy mindpim ar biy, Gor nup gosimb ma niñbim. Ñin akay nup gosimb niñiy, tap kun gok key giniñgambim? Minim per anjen niñbim ak, yergiy minim kilsek anjen niñningambim? Ñi kun ak dand mindpiyn biy wim angak.” <sup>20</sup> Anjek, dand mindek kiñiñ siñak apey, kichekiy ñi kun anup aban ayak ak, Jiysis nup niñiy, ñi anup gek apyap pikiy, andik mandik gakniñ, kosimb asimbiñ apiy amnak. <sup>21</sup> Kun gek, Jiysis ñi kun ak nop nup anjñiy angak, “Tap kun ak, ñin akay rek gak?” Anjek angak, “Wosrey ñiskoy miñg gak. <sup>22</sup> Kichekiy kun ak, nup per pikayin anjiy, mon yinimb namb okok sek, ñiñg namb okok sek diyokip. “Kun ak chirupapiy simbiñ niñiy, tap kun ak angyokep rek ayek, angyokan

anggak.” <sup>23</sup> Anggek, Jiysis anggak, “Yenen angyokep rek ayek, angyoknimin aspan; yand tap okok mangiysek ginim anep mindip. Nand nep mey, yip angniñbiyn rek giningamb angiy niñey mey, apan rek giningayn anggak.” <sup>24</sup> Anggek anggak, “Kun giningamban angiy gos ak niñbiyn ak pen, gos omiñal niñnim rek ayip ak, yip gos tep yimb ñinimin anggak.”

<sup>25</sup> Pen biynimb kunaynep ap nan-giyakniñ, Jiysis kichekiy anup anggak, “Nand bi biynimb gey timund pil giy, minim ma apay ak, nip aspiyn: ñi anup pisnep kiring amninin anggak.” <sup>26</sup> Anggek, kichekiy kun ak wal angiy, ñi anup gek apyap pikiy, jep di di wosgek, kumimb angyak. <sup>27</sup> Kun angyak ak pen, Jiysis nup di jakñak. <sup>28</sup> Kisen Jiysis korip miñgan amiy, binuk gok yip, kiyk nep mindyñg, nup angyak, “Yenen chin kichekiy kun anup angyok mer niñbun?” <sup>29</sup> Anggeyak anggak, “Kichekiy kun ak rek yikop ma angyokpay; Gor nup angniñey mey, ang mis yokniñgamb anggak.”

*Jiysis Kumniñgayn Angiy Tip Ak Anggak  
(Mat 17:22-23; Luk 9:43-45)*

<sup>30</sup> Jiysis binuk gok poñind miñmon kun ak kir-giy, Kapaniyam amniñg, sanñiyak. Galiyliy namb okok amyñg, binuk gok kuyip minim angñirep ginim angiy, kapkap weyñg mindyñg, kuyip angñiyñgip. <sup>31</sup> Angñiy angyñgip, “Bi bap Ñinuk nup pikayey kumiy, ñin omiñal nokom mindiy, tip ak tikjakniñgamb angyñgip.” <sup>32</sup> Nuk anggakniñ, minim kiññiñ kun ak yerip angip angiy, nup angniñniñgiy ak pen; jel gek ma angniñyñgipay.

## *Yand Nep Biyomb Mindpiyn Angyi Penpen Angyak*

*(Mat 18:1-5; Luk 9:46-48)*

<sup>33-34</sup> Pen kinjeṅnamb okok amying binuk gok, nimb mer yand nep biyomb mindpiyn angying, penpen angey amnak. Am Kapaniyam amjakiy, korip miṅgan ak amiy, Jiysis kuyip anṅniyi angak, “Nimb kinjeṅnamb okok apying, minim yerip angem apamb?” Angek, minim kun ak angey awak ak niṅiy, pen ma anṅñiyak. <sup>35</sup> Ma anṅñeyak, Jiysis am bisgiy kuyip angek apeyak angak, “Biynimb yomb mindning giniṅiy gok, biynimb yikop wong giñimbay rek gok mindiy, biynimb gunap kuyip wong giñiningiy angak.” <sup>36</sup> Kun angyi, ṅapan sikoy bap dap mindeyak namb siṅak ay, kaygiying angak, <sup>37</sup> “Biynimb yip gosimb niṅiy, ṅapan sikoy biy rek direp giniṅambay gok, kuyip nep mer, yip sek diniṅambay. Pen yip diniṅambay ak, yip nep mer, Biyomb yip angyokek winik ak nup sek diniṅambay angak.”

## *Ak Bungiy Chin Nep Angak*

*(Luk 9:49-50)*

<sup>38</sup> Pen Jon Jiysis nup angak, “Tiysa. Chin niṅnuk: bi bap yimb nip ak angyi, kichekiy malñiluk anṅ mis yokek niṅiy anṅnuk, ‘Nand bi chin yip jimñiy ma tapun ak, kun ma ginimin anṅnuk.’” <sup>39</sup> Angek, Jiysis nup angak, “Nup yenen mer apim? Bi yip gosimb niṅiy, tap mageprek gunap giniṅambay gok, kisen andikiy yip minim timey ma anṅniṅambay. <sup>40</sup> Biynimb chinup miluk ma niṅbay gok, biynimb chin mindiy

mey; chinup miluk ma ninbay. <sup>41</sup> Pen ninjim! Biynimb nimbip Jiysis binuk angyi, ñiņg malñey ñiņningambim gok, Gor kuyip direp giniņgamb angak.”

*Timey Ginjun Rek Ayip Angyi Mindrep Ginimimb*

*(Mat 18:6-9; Luk 17:1-2)*

<sup>42</sup> “Pen biynimb gunap, biynimb yip gos kilis giy ma ninbay bap gey apyap pikniņgamb ak, timey yimb giniņgambay. Kuyip nind tiwning dam ñiņg yokpiyap ak girep gipyap. Yenen: kim mindiy timey giniņgambay kun ak, yiwur yomb diniņgambay angak.”

<sup>43</sup> Kun angyi angak, “Ñin maņgiy ak tap siy tap timey giniņg gonimuņ, piskind kun ak timbrik yokem; piskind anep mindonimuņ. Kun ak yiwur tap ak pen; sikoy won bap nep giniņgamb. Pen tap siy tap timey ma giniņgambim rek, kim amniņgambim. Mer ak: miñmon Hel, mon yin nep mindip ak amniņgambim. <sup>44</sup> Miñmon kun ak kuyip kisow pernep ay mindyiņg, mon yin nep mindeniņgamb.

<sup>45</sup> “Tomb kind bap timey giniņg gonimuņ, piskind kun ak timbrik yokem; piskind anep mindonimuņ. Kun ak yiwur tap ak pen; sikoy won bap nep giniņgamb. Pen tap siy tap timey ma giniņgambim rek, kim amniņgambim. Pen tomb omiņal giy mindek, timey gem, nimbip anğ Hel yokek yiwur yomb diniņgambim. <sup>46</sup> Miñmon kun ak kuyip kisow pernep ay mindyiņg, mon yin nep mindeniņgamb.

47 “Pen windin mangiy ak gek, tap siy tap timey gep rek ayonimunj, windin piskind kun ak tunjjiwyoknimimb. Kun giy kapkap mindrep giy, Gor nimbip diy kond mindonimunj rek ayip. Pen ominjal giy mindek, tap siy tap timey gem nimbip miñmon Hel angyokek, yiwur yomb diniņgambim. 48 Miñmon kun ak kuyip kisow pernep ay mindyinj, mon yin nep mindeniņgamb.

49 “Gor biynimb mangiysek yip gosimb niņniņgiy angyi, kuyip miker gunap niņiņgamb.

50 “Sol tap yindik tep yimb ak pen, yindik nuk ak amek, yergiy gem tip ak yindik giniņgamb? Kun ak, nimb biynimb yindik gok kapkap aw angyi mindenimimb angak.”

## 10

### *Biyn Angyokep Akan Mer Angyak (Mat 19:1-12; Luk 16:18)*

1 Jiysis Kapaniyam kirgiy, Jiwdiya miñmon namb okok amiy, am Joden niņ tikiy, pis bindon amnak. Amek, biynimb gok niņiy, ap nan-geyak, nuk per giyiņgip rek kuyip minim angnak.

2 Bi Peresiy gok Jiysis yerip rek angniņgamb angyi, mindek ak apiy, angniņiy angyak, “Bi gok biyn diy, angyokniņ angyokniņgambay akan, yerip gos niņban?” 3 Angeyak, Jiysis angak, “Mosis minim yerip angyi tikak?” 4 Angek angyak “Mosis angak, ‘Biyn angyokniņ; nip angyoksipiyn angyi, nup niwkil band bap tikniy angyoknimunj angak’ angyak.” 5 Angeyak, Jiysis angak, “Minim angney kasek ma dipim rek, Mosis minim kun ak

tikak. <sup>6</sup> Pen Gor miñmon alwol gayak ñin ak, bi gay biyn gay gak. <sup>7</sup> Ar kun ak mey, bi gok nop nonim sikop yip mindiy, biyn diying kuyip kirgiy, <sup>8</sup> kiykber jimñiy kiner mumbwak nokom ayip. Gor angek mumbwak nokom yimb aynıngamb kun ak, <sup>9</sup> bi gunap tikjakiy, kuyip anğ tunğasik keykey ma aynıngiy anğak.” <sup>10</sup> Kun anğiy, binuk gok yip tip ak korip miñgan biyan amiy, <sup>11</sup> nup minim kun ak tip anğniñeyak anğak, “Bi gok biyn diy anğyokiy, biyn kisenimb diniñgambay ak, tap siy tap timey giniñgambay. <sup>12</sup> Pen biyn gok kunep bi diy kirgiy, bi kisenimb diniñgambay ak, tap siy tap timey giniñgambay anğak.”

*Jiysis Ñapan Sikoy Gok Kuyip Ñin Jun Ar Ayak  
(Mat 19:13-15; Luk 18:15-17)*

<sup>13</sup> Biynimb gunap, Jiysis ñapan chinup gok bilesiym gan anğiy, dand apey, binuk gok kuyip anğ geyak, <sup>14</sup> Jiysis kuyip pen anğ giy anğak, “Ñapan sikoy gok kirgem yip ker wiyan. Gor biynimb nuk diyn anğiy niñimb mey kun gok rek. <sup>15</sup> Biynimb yomb gok, ñapan ñan Gor ker opay rek ma apeniñgambay, kuyip ma diniñgamb. Nimbip niñind yimb aspiyn anğak.” <sup>16</sup> Kun anğiy, ñapan ñan gok kuyip kaygiy, ñin jun ar ay anğak, “Gor nimbip kond mindonimuñ anğak.”

*Bi Tap Kuñay Mindek Bap  
(Mat 19:16-22; Luk 18:18-23)*

<sup>17</sup> Pen Jiysis amnakniñ, bi bap punğrikind anğiy amek kiñiñ siñak koñgim yimiy anğak, “Tiysa tep yimb! Yand yerer gen, Gor gek perper mindeniñgayn?” <sup>18</sup> Angek, Jiysis anğak, “Yip yenen

tiysa tep yimb apan? Biynimb bap tep yimb ma mindpay; Gor nokom mey bi tep yimb mindip. <sup>19</sup> Pen nand niñban: Gor low anep wanjrem biyoñ angip, ‘Chip ma ñañgnimimb; biyn siy bi siy ma ginimimb; tap siy ma dinimimb; yesek ma añgnimimb; yesek yesek angying biynimb gunap tap gok ma taw piling dinimimb; nap nanim añgnimiyr rek niñnimimb angip’ angak.”

<sup>20</sup> Kun angek, bi kun ak Jiysis nup angak, “Tiysa. Yand ñiskoy miñg tikiy, low kun gok niñying mindpiyn angak.” <sup>21</sup> Angek, Jiysis nup wasemb ay angak, “Tap nokom bap nep ma gipan. Amiy, tap nand yerip yerip mindip gok yokiy maniy diy, biynimb tap ma mindip gok kuyip ñinimin. Kun giy mey, mindrep gep nand ak mindeningamb Gor miñmon biyoñ. Apiyn rek giy apiy, yand yip tanjonjur angak.” <sup>22</sup> Kun angek, bi kun ak tap nuk kuñay mindek rek, simb gek gos par yimb aying amnak. <sup>23</sup> Jiysis binuk gok kuyip niñkuskus giy angak, “Biynimb tap kuñay mindeningamb gok kosyam yimb Gor biynimb nuk mindey, kuyip diy kond mindeningamb angak.” <sup>24</sup> Kun angek, gos kuñaynep niñeyak, kuyip tip ak angak, “Ñapan yand guniy. Gor biynimb nuk mindning, kosyam yimb biynimb nuk mindeningambay! <sup>25</sup> Kanj kamel gok ñiw lekpay miñgan ak amning, kasek amningiy rek ayingamb; biynimb maniy tap kuñay mindip gok, kosyam yimb Gor nup gosimb niñey, kuyip diy kond mindeningamb angak.”

<sup>26</sup> Kun angek, binuk gok wal yimb angyi, pen angninek pen angninek giy angyak, “Kun ak Gor biynimb yerip rek gok diy kond mindeningamb

angyak.” <sup>27</sup> Angeyak, Jiysis kuyip niñyíng angak, “Biynimb gok key giniñgiy rek ma ayip; Gor nep mey yerer giniñg, ginimun rek nep mindip angak.” <sup>28</sup> Pen Piyta Jiysis nup angak “Niñan! Chin nand yip tanñning, tap chin gok manñiysek kirpun angak.”

<sup>29-30</sup> Angek angak, “Biynimb yip gosimb niñiy, minim tep wong ak giniñg: korip miñmon kiyk kirgiy akan, numam nunay kiyk kirgiy akan, nop nonim kiyk kirgiy akan, ñapan kiyk gok kirgiy akan, tap wong kiyk gok kirgiy tanñeningambay ak; Gor kuyip direp yimb giniñgamb. Kuyip kond mindek lum ar biy mindeningambay ñin ak, nop, nonim, numam, nunay, ñapan, korip, tap kiyk gok kuñay yimb mindeningamb. Pen ñin gu-nap biynimb yikop gok, yip ker mindpay rek niñiy kuyip timey giniñgambay. Pen kisen Gor kuyip dand miñmon nuk amek, pernep mindeningambay. <sup>31</sup> Biynimb kuñaynep miñiy mindrep gipay gok, kisen mindrep ma giniñgambay; biynimb kuñaynep miñiy kosyam mindpay gok, kisen mindrep giniñgambay angak.”

*Jiysis Kumiy, Tikjakningayn Angiy Tip Ak Angak (Mat 20:17-19; Luk 18:31-34)*

<sup>32</sup> Pen kiyk Jerusalem amyíng, Jiysis nind gak; binuk gok kisen giy gospar ayíng amniyakniñ, biynimb kisen giy apeyak gok niñiy pirikyak. Jiysis pen, binuk onep wimíngan ak kuyip ponind gol sinak amiy, tap nup yerip giniñgamb ak kuyip angñak. <sup>33</sup> Angñiyíng angak, “Niñim;

Jerusalem amon, Bi bap Ñinuk nup dam biyomb Gor nup simbonjep gok sek, bi low tiysa gok sek kuyip ñeningambay, nup kor giy ñangbirik ayep angyi, di bi Jiwda mer gok kuyip ñey, <sup>34</sup> nup angyiwiy, kiñuk giy, miñ diy pikiy, dam pisnep pikayeningambay kumningamb. Pen ñin ominjal nokom mindiy, tip ak tikjakningamb angak.”

*Jemis Yip Jon Yip Biyomb Mindning Gos Niñrik  
(Mat 20:20-28)*

<sup>35</sup> Sebediy ñinuk Jemis yip, Jon yip ñin bap ap Jiysis nup angrik, “Tiysa. Chirminay nip minim bap angninng gispur angrik.” <sup>36</sup> Kun angerik, Jiysis angak, “Yip angninng gispiyr kun ak, nirip yerginim?” <sup>37</sup> Angek angrik, “Kisen nand Biyomb yimb mindiy, miñmon mangyisek kond mindeningamban ñin ak, chirupminay bi kond mindep angyi, bap ñin yipund kind okok ken, bap ñin anind kind okok ken mindonjur angrik.” <sup>38</sup> Kun anger, Jiysis nuk yiwur dinngamb rek angyi angak, “Nirminay niñrep giy ma aspiyr. Ñing silik yand ñinngayn ak nirminay kunep ñinngayr? Miker yand dinngayn ak kunep dinngayr?” <sup>39</sup> Angek, “Yaw angrik.” Angerik, Jiysis angak, “Niñind apiyr ak pen; <sup>40</sup> ñin yipund kind ak an mindeningamb, ñin anind kind ak an mindeningamb ak yand ma angnngayn; ak Bapiy tap nuk; nuk key niñimb rek giningamb angak.” <sup>41</sup> Pen Jiysis binuk onep wanjrem ak minim kun ak niñiy, Jemis yip, Jon yip kuyip kunay angnng geyak, <sup>42</sup> Jiysis kuyip mangyisek angek apey angak, “Nimb niñbim: miñmon okok, biyomb yimb gok biyomb namb kayan gok kuyip

kond mindey, biyomb namb kayan biyomb kayan gok kuyip kond mindey, kiy pen biynimb gok kuyip kond mindpay. <sup>43</sup> Pen nimb kun ak rek ma ginimimb. Bi nimb bap biyomb mindning ginimuḅ ak, biynimb gok kuyip woḅg giñinimuḅ. <sup>44</sup> Pen biyomb yimb mindning ginimuḅ ak, biynimb gok kuyip monmon yimb woḅg giñinimuḅ. <sup>45</sup> Bi bap Ñinuk kunep, yip woḅg giñiyan angy lum biy ma awak; biynimb Gor nup kirpay gok kuyip nen kumiy, di Gor yip jimñiy ayin angy owak angak.”

*Jiysis Bi Windin Koy Gak Bap Gek Windin Niḅak  
(Mat 20:29-34; Luk 18:35-43)*

<sup>46</sup> Jiysis binuk gok yip miñmon Jeriykow kirgiy amning, biynimb kuḅaynep yip amniyak. Bi Timiyas ñinuk Batiymeyas windin koy gek, kinjen gol siḅak bising mindyḅg, maniy tap gok nen asimḅ anḅ mindek. <sup>47</sup> Anḅ mindakniḅ, Jiysis bi Nasaret nimb asaw anḅey niḅiy, nuk suk anḅiy angak, “Jiysis, Depiyt Ñinuk. Yip simḅ niḅan angak!”

<sup>48</sup> Anḅek, biynimb gok nup anḅ giy anḅyak, “Ma anḅan! Kapkap mindey anḅyak.” Kun anḅyak ak pen, nuk kapkap ma mindek, suk yomb anḅiy angak, “Depiyt Ñinuk yip simḅ niḅan angak.”

<sup>49</sup> Anḅek, Jiysis maḅ kun siḅak apiy angak, “Nup anḅem awaḅ.” Anḅek, biynimb gok bi windin koy anup anḅyak, “Jiysis nip asap nen; tikjakiy gos sek winimin anḅyak.” <sup>50</sup> Anḅeyak, chech parsek nuk ak tuḅgasik yokiy, Jiysis mindek ak kasek amnak. <sup>51</sup> Amek, Jiysis nup angak, “Yip yergaḅ anḅiy aswan?” Anḅek angak, “Tiysa. Windin

ak tip ninjyn angyi aswiyn angak.” <sup>52</sup> Angek, Jiysis angak, “Tep. Yip gek sun ayningamb angyi gos ninban rek, sun ayip nen, amnon angak.” Kun angakniñ, day windin yimb ninjiy, Jiysis yip amnak.

## 11

### *Jiysis Nup Pinjiy Kuskus Giy Jerusalem Amniyak (Mat 21:1-11; Luk 19:28-40; Jon 12:12-19)*

<sup>1</sup> Jiysis binuk gok yip am am Jerusalem man man giyিং, Oliyp dum amiy, miñmon Betpasiy sek, Beteniy sek amjakiy, Jiysis binuk ominal nind angyokiy angak, <sup>2</sup> “Miñmon wikan bindon amiy ninningayr: kanj dongiy marip biynimb ma dand tapay bap tiwning ayey mindeningamb. Ninjiy, wisik dand winimiy. <sup>3</sup> Biynimb gunap nirip yenen kun gispiyr angeningiy angnimiy ‘Biyomb ak wonğ bap giy, tip ak yokek winingamb angnimiy’ angak.” <sup>4</sup> Kun angek, amiy ninrik: dongiy marip ak, korip kinjenrumb gol sinak tiwning ayey mindek. Wisik girikniñ, <sup>5</sup> biynimb yep man kun okok mindeyak gok angyak, “Yergining, dongiy marip kun ak wisiksiyir?” <sup>6</sup> Angeyak, Jiysis angak rek angerik, yaw angey, <sup>7</sup> dongiy marip kun ak dand Jiysis mindek ak apiy, chech paryomb kiyk ar biyon ayrik gok tungasikiy, di dongiy ar ayerik, Jiysis ar kun ak bisgak. <sup>8</sup> Biynimb gok: gunap chech parsek kiyk gok tungasik kinjenram ar ak ayিং; gunap tap kas gok tipanğ dap ayিং, nup di namb ay, <sup>9</sup> biynimb gunap nind giyak, gunap kisen giy, suk yomb angying angyak, <sup>10</sup> “Gor nup yimb

dand aranjun! Biyomb chinup yokip biy, kond mindrep ginimun! Basind Depiyt kiyņ mindiy biynimb kond mindyngip rek chinup giningamb! Gor nup tep yimb aspun angyak.”

<sup>11</sup> Jiysis kun giy Jerusalem amiy, Gor nup angnņep korip miņgan ak amiy, tap okok niņrangakniņ, pumb paņind amek niņiy, binuk onep wimiņgan ak yip andkind Beteniy amniyak.

*Mon Niņemb Bind Bap Maņgiy Ma Piyak*  
(Mat 21:18-19)

<sup>12</sup> Minek pen, Beteniy nimb andkind kin-jeņnamb okok apyng, Jiysis nup yiwan gek, <sup>13</sup> par chim niņak; mon kiyaw bind bap mindek. Maņgiy gunap piy mindip akan angyiy amiy niņak; ma piyak. Yenen: maņgiy nuk piyep niņ ak ma awak. <sup>14</sup> Kun gek, Jiysis angak, “Mon bind kun gip ak, kisen ma piyek niņningambay angak.” Kun angek, binuk gok maņgiysek niņyak.

*Bi Lotiw Korip Sikyim Geyak Gok Jiysis Angyokak*  
(Mat 21:12-17; Luk 19:45-48; Jon 2:13-22)

<sup>15</sup> Jiysis binuk gok poņind Jerusalem amiy, Gor angnņep korip miņgan biyaņ amiy niņak: biynimb gok sikyim giyng, maniy seniys giyng gi mindeyak. Kun geyak, maniy seniys giyng, yakir dap ayey tawyng gi mindeyak boņg ar gok tungandikiy, biynimb sikyim giyng tap tawyng gi mindeyak gok maņgiysek yuk mis yokak. <sup>16</sup> Yuk yokiy angak, “Kisen biynimb bap, tap gunap dand Gor angnņep korip kamb wariy kusgiy mindip namb biy ma pandiknimimb angak.” <sup>17</sup> Kun

angyiny angak, “Baybol buk ak tikiy angyak, ‘Gor angyip “Korip yand ak biynimb miñmon okok mangyisek ap yip angninyngambay angyip” angyak.’ Pen nimb kun gem, bi tap siy diy weying mindpay korip bap rek ayip angak.’ ”

<sup>18</sup> Kun angek, bi low tiysa gok sek, bi lotiw korip kond mindep gok sek nup pikayun angyi ninyak ak pen; biynimb mangyisek minim nup ninyak rek, nup yergiy pikayjun angyi gos gunap ninyak.

<sup>19</sup> Dungep won ak, Jiysis binuk gok yip Jerusalem kirgiy Beteniy amniyak.

*Gor Nup Gos Nokom Ninjy Angninem,  
Angninyngambim Rek Ginyngamb  
(Mat 21:20-22)*

<sup>20-21</sup> Minek kiyk andkind kinjenamb okok apiy, Piyta angak, “Tiysa. Niñan! Kiyaw bind kisen ma piyek niñningambay angnak biy, pisnep milip giyowip angak.” <sup>22-23</sup> Angek, Jiysis angak, “Biynimb an miñmon yirik akan, tap bap kuyip kinjen tikonimun, Gor nep gek keykey sinbindon anningamb angyi, nup angniney, angninyngambay rek ginyngamb. Pen ginyngamb akan ma ginyngamb angyi gos niñningambim ak, ma ginyngamb. <sup>24</sup> Gor ginyngamb angyi, gos nokom ninjy angninem, angninyngambim rek ginyngamb. <sup>25</sup> Pen nup angninyng, biynimb minim mindip gok kuyip ninjy kirgem mey, Nap semb biyon mindip ak, tap siy tap timey nimb gipim gok, pen kunep ninjy kirginyngamb. <sup>26</sup> Kun ma geninyngambim, nimb pen gipim gok ninjy ma kirginyngamb angak.”

*Nip An Angek Kun Girapan  
(Mat 21:23-27; Luk 20:1-8)*

<sup>27</sup> Pen Jiysis binuk gok yip Jerusalem apchakiy, Gor angninēp korip minḡan ak giranḡakniḡ, bi Gor nup simbonḡep yomb gok sek, low tiysa gok sek, bi minim tunḡasikep gok sek Jiysis mindek ak apiy anḡyak, <sup>28</sup> “Nip an kun ginimin anḡek, girapan?” <sup>29</sup> Anḡeyak anḡak, “Yand nimbip minim bap anḡniḡen, yip pen anḡñeniḡgambim mey, yip an anḡek girapiyn ak anḡñiniḡgayn! <sup>30</sup> Jon biynimb gok kuyip ñiḡ pikñak ak, Gor anḡek pikñak akan, gos nuk key niḡy pikñak? Yip anḡñem niḡiyn anḡak.”

<sup>31</sup> Kun anḡek, kiyk key anḡniḡ anḡniḡ giy anḡyak, “Chin anḡniḡgambun: Gor anḡek biynimb gok kuyip ñiḡ pikñak anḡon, yenen minim nup ak ma dipim anḡniḡgamb; <sup>32</sup> pen Jon gos nuk key niḡy gak anḡon, biynimb guniy, Gor anḡek wong nup giñiyiḡip anḡiy niḡbay rek, Gor nup anḡjiwsipay anḡiy, chinup kamb silok pikayniḡgambay anḡyak.” <sup>33</sup> Gos kun ak niḡy, “Chin ma niḡbun anḡyak.” Kun anḡeyak, Jiysis kuyip anḡak, “Nimb yip ma anḡñimbim rek, yip an anḡek girapiyn ak nimbip pen ma anḡñiniḡgayn anḡak.”

## 12

*Jiwda Kay Gor Nup Bi Wong Giñimbay Gok  
Kuyip, Timey Nep Gipay Anḡak  
(Mat 21:33-46; Luk 20:9-19)*

<sup>1</sup> Pen Jiysis kuyip paydonḡ ay anḡak, “Bi bap wariy giy, miñ wayn wong ak gi yimiy,

wayn maŋgiy piksimbjakep aŋgiy, kiwok bap gayrep giniŋgamb. Biynimb ap miñ maŋgiy siy diniŋgambay ak niŋmindenjun aŋgiy, korig kiyonŋiy paryomb bap giy, bi gunap kuyip aŋniŋgamb, 'Nimb miñ wong yip ak kond mindiy, kisen pik gek, yip gunap, nimb gunap dinimimb aŋgiy,' miñmon paryomb okok amniŋgamb. <sup>2</sup> Wayn maŋgiy pik giniŋgamb ñin ak, binuk bap aŋyokiy aŋniŋgamb, 'Wayn maŋgiy yip gunap ñey dand winimin aŋniŋgamb.'<sup>3</sup> Aŋgek amjakek, bi wong giniŋgambay gok nup di pik pik ay, yikop nep aŋyokniŋgambay. <sup>4</sup> Kun gey, bi wayn wong nop nimb ak, bi bap pen aŋyokniŋgamb. Amjakek, nup jun biyon pikiy, timey yimb giniŋgambay. <sup>5</sup> Kun gey, bi wayn wong nop nimb ak, bi bap pen yokek amek, nup pisnep pikayniŋgambay. Kun anep giyŋg; gunap gamb pikniŋgambay, gunap pisnep pikayniŋgambay. <sup>6</sup> Kun gey gey, bi wong nop nimb ak binuk bap ma mindeniŋgamb; ñi mapin nuk nokom mindeniŋgamb ak, minim nup ak diniŋgambay aŋgiy aŋyokek amniŋgamb. <sup>7</sup> Pen amjakakniŋ, biynimb wayn wong gi mindeniŋgambay gok niŋiy aŋniŋgambay, 'Ñi wip biy, bi wayn wong nop nimb ak ñinuk wip. Nup pikay mey, tap nuk dinimuŋ rek gok chin diniŋgambun aŋniŋgambay. <sup>8</sup> Kun aŋgiy, nup pisnep pikay, dam mis okok diyokniŋgambay. <sup>9</sup> Kun geniŋgambay, bi wayn wong nop nimb ak apiy yerginiŋgamb? Nuk apiy, biynimb wayn wong geniŋgambay kun gok kuyip pikay, biynimb gunap kuyip aŋgek, wayn wong kun ak kond

mindeningambay angak.’ ”

<sup>10</sup> Kun angyiy, kuyip angak, “Baybol buk tikiy angyak,

‘Bi korip gep gok kamb par kirgiyak ak, miñiy korip sap namb yan ak piñiyñiy mindip.

<sup>11</sup> Biyomb chin kun gak ak, tep yimb gak angyak’ angak.”

<sup>12</sup> Jiysis kun angek, bi low tiysa gok sek, Gor nup tap simbongep yomb gok sek chinup nep asap angyiy, nup chichiy dun angyak ak pen, biynimb gok kuyip pirikiy, kirgiyak.

*Takes Ñemb Akan Ma Ñemb Angyak*  
(*Mat 22:15-22; Luk 20:20-26*)

<sup>13</sup> Pen kisen bi Peresiy gunap, Herot binuk gunap kuyip angyak, “Nimb Jiysis mindip amiy, nup minim gunap angninem, nuk yerip angek, nup dam kalambis ayningambun angyak.” <sup>14</sup> Kun angeyak, Jiysis mindek ak amiy angyak, “Tiysa. Chin niñbun: nand bi niñind yimb nep apan. Biyomb yimb gok sek, biynimb yikop gok sek kuyip niñiy ma pirikpan. Gor anqip rek nep niñiy, biynimb okok kuyip yipund giy nep angnimban. Kun ak chinup angnan! Chin Jiwda biynimb low gok yergiy mindip: gapman biyomb Rom nimb anup takes pikep akan ma pikep?” <sup>15</sup> Angeyak, Jiysis minim yesek angyak kun ak niñiy angak, “Yip yenen minim yesek kun ak angnimbim? Maniy mangiy takes pikpim bap dapem yand niñiyn angak.” <sup>16</sup> Angek, dap ñey niñiy angak, “Maniy bak ak, an jomluk ak sek, yimb ak sek mindip?” Angek angyak, “Biyomb Siysa mindip.” <sup>17</sup> Angeyak, Jiysis angak, “Siysa yip ginimimb

angip gok, nup ginimimb; Gor yip ginimimb angiy niñimb gok, nup ginimimb angak.” Angek niñiy, minim yesek angyak kun ak silgirep gak rek, wal yimb angyak.

*Biynimb Kumiy Tikjakpay*  
(Mat 22:23-33; Luk 20:27-40)

<sup>18</sup> Sanjiwsiy biynimb gok, biynimb kumiy ma tikjakpay angiy niñiyngipay rek, gunap Jiysis mindek ak apiy angyak, <sup>19</sup> “Tiysa, Mosis, minim bap chinup tikiy angak, ‘Bi bap biyn diy, ñapan tikiy mer, yikop kumeningamb, numam nuk bap pen biyn kanil kun ak diy, mam kumak ak ñapan nup angiy tikningamb. <sup>20</sup> Kun ak bi kiñiñ sek onep ar ak mindeningambay. Numam nind biyn diy, ñapan tikiy mer, yikop kumek, <sup>21</sup> numam namb pen biyn kun ak diy, kunep ñapan tikiy mer, yikop kumningamb. Kun gek, numam ak pen diningamb. Ak kunep ñapan tikiy mer, yikop kumningamb. <sup>22</sup> Kun gi dam dam numam onep ar ak ñapan tikiy mer, mangiysek yikop kumeningambay, kisen biyn ak kunep kumningamb. Pen biynimb kumiy tikjakningambay apan ak, <sup>23</sup> biyn nokom binuk di onep ar ayak kun ak, kisen numam akay yip mindeningamb?’ ”

<sup>24</sup> Angeyak, Jiysis angak, “Nimb Baybol buk minim tikyak ak ma niñbim rek, niñind ma niñbim. <sup>25</sup> Biynimb kumbay gok tikjakningambay ñin ak, Gor enjol nuk gok mindpay rek mindiy, biyn gok bi ma dey, bi gok kunep biyn ma diningambay. <sup>26</sup> Pen biynimb tip ma tikjakningambay apim ak, Mosis mon sikoy bind yin nep mindek kesim tikak ak, angiy ma niñbim rek

ayip. Gor mon yinek namb ak mindiy, Mosis nup angak ‘Ebrahim, Aysek, Jekop Gor kiyk mey, yand mindpiyn angak.’ Kun ak yenen, basind sikop nind kumyak gok kuyip, Gor kiyk mindpiyn angak? Pen nimb apim rek, biynimb gok pisnep kumbiyap ak, <sup>27</sup> Gor kiyk mindpiyn angiy ma apkop. Biynimb kim mindpay akan kumbay ak, Gor niñimb mangiysek kim mindpay. Nimb niñrep ma gipim rek, pisnep kumbay angiy niñbim angak.”

*Gor Low Minim Yomb Yimb Angak Ak  
(Mat 22:34-40; Luk 10:25-28)*

<sup>28</sup> Bi low tiysa bap, Jiysis Sanjiwsiy biynimb gok kuyip angrep gak ak niñiy, ap nup angniñiy angak, “Low ar akay yomb yimb?” <sup>29</sup> Angek, Jiysis angak, “Low yomb yimb ak, Baybol buk ak tikiy angyak: ‘Yisrel biynimb niñim! Biyomb chin Gor nep Biyomb yimb mindip.

<sup>30</sup> Nup wasemb yimb ay, gos timund may may nimb ak mangiysek nup ker amnimun angyak.’ <sup>31</sup> Minim yomb yimb bap mey; ‘Biynimb gunap kuyip, nimb key wasemb yimb aypim rek, wasemb aynimimb angyak.’ Low okok mangiysek, low yomb yimb mey ominal kun ak angak.”

<sup>32</sup> Angek, bi low tiysa ak angak, “Tiysa, nand niñind yimb apan. Gor nokom mey, Biyomb yimb mindip. Nuk rek gunap ma mindpay. <sup>33</sup> Chin Gor nup tap pik dam pisnep ñiningambun akan, yergiy simbonḡ ñiningambun ak tap yikop; pen gos timund may may chin ak mangiysek nup ker amek, nup wasemb yimb ay, biynimb gunap kuyip wasemb ayningambun ak, tap yomb yimb

anggak.” <sup>34</sup> Kun angkek, Jiysis bi ak niñrep yimb giy anggip anggiy, nup anggak, ‘Nand Gor binuk kond mindeningamb bap, mindning gispan rek ayip anggak.’ Pen Jiysis minim niñind yimb gok nep angkek niñiy, biynimb gok kisen minim yesek okok nimb, nup nembnemb giy anggyingipay rek tip ma anggak.

### *Krays An?*

*(Mat 22:41-46; Luk 20:41-44)*

<sup>35</sup> Jiysis kisen Gor angñep korip ak mindiy, biynimb gok kuyip anggak, “Bi low tiysa nim-bik gok yenen apay, ‘Depiyt tikek tik dand amiy, Biyomb chinup kond mindeningamb bap tikningambay apay?’ <sup>36</sup> Pen Gor Kawnan ak nup gos ñek, Depiyt key tikiy anggak,

‘Gor Biyomb yip anup anggak, “Nand ñin yipund kind yand okok ken mindiy, biynimb ñangep nand gok kuyip tomb beñ nip okok ayen, kond mindeningamban anggak.” ’

<sup>37</sup> Kun ak, Depiyt Kiyñ yomb key yimb ak nup, Biyomb yand anggak. Pen Ñinuk nup nep yergiy Biyomb yand apkop? Yikop nep kun ma apkop ak pen; Kiyñ yomb key yimb ak, Gor Ñinuk anggiy niñiy mey, Biyomb yand anggak.” Jiysis minim kiñij angrep gak rek, biynimb gok minim nup ak miñmiñ yimb giyijñ niñyak.

### *Bi Low Tiysa Gok Sisker Giyak*

*(Mat 23:1-36; Luk 11:37-54; 20:4)*

<sup>38-39</sup> Jiysis biynimb gok kuyip minim angñiyijñ anggak, “Niñrep ginimimb. Bi low tiysa gok miñ

kiyk ak, chech paryomb gok ay, biynimb ap nangipay tip ak akan, lotiw gipay namb ak amon, biynimb gok aswim-ey angey, yimb chinup yiy ar biyon minden angyi ninbay. Tap yomb ñimbay ñin ak kunep, biynimb windin yirik ar ak bisgon, chinup ninney, yimb chinup yiy ar biyon minden angyi ninbay. <sup>40</sup> Pen biyn kanil korip tap kuyip gok siy diy, Gor nup minim paryomb yesek nep gok angninbay. Gipay kun ak, yiwur yomb yimb dininḡambay anḡak.”

*Biyn Kanil Bap Gor Nup Opriyḡ Yokak  
(Luk 21:1-4)*

<sup>41-42</sup> Jiysis Gor anḡninep korip opriyḡ dayinḡipay maḡ siḡak bisinḡ mindiy ninak: biynimb maniy kuḡay mindek gok, maniy kuḡaynep dap yokyak. Pen biyn kanil maniy ma mindek bap, maniy likañsek sikoy ominal dap yokek niniy, <sup>43-44</sup> binuk gok kuyip anḡek apeyak anḡak, “Niḡim! Biyn kanil biy, biynimb gunap kuyip wiyniyḡ giy, opriyḡ yomb yimb ak Gor nup yokip. Biynimb maniy kuḡay mindip gok, maniy kiyk gunap sek mindakniḡ, opriyḡ dap yokpay; biyn kanil biy, maniy nuk won ominal mindamb anep dap yokip; nuk tap taw ñinḡimuḡ bap ma mindip. Kun ak Gor ninḡek, biynimb gunap sikoy yokpay; biyn kanil ak yomb yimb yokip anḡak.”

## 13

*Gor Anḡninḡep Korip Timey Giniḡamb  
(Mat 24:1-2; Luk 21:5-6)*

<sup>1</sup> Jiysis Gor angninep korip ak kirgiy mis am-nakniñ, binuk bap nup angak, “Tiysa. Kamb tep diy, korip kil tep giyak biy niñan angak.”  
<sup>2</sup> Angek, Jiysis angak, “Nand kamb korip yomb kun ak niñey tep gek aspan? Kisen korip kun ak gi timey gey, kamb bap kamb bap ar ak ma mindeningamb; pisnep pipang pikey amdiningamb angak.”

*Miker Diying Kosyam Mindeningambay*  
 (Mat 24:3-14; Luk 21:7-19)

<sup>3</sup> Jiysis kun angiy, Gor angninep korip ak kirgiy am Oliyp dum bising mindakniñ; Piyta, Jon, Jemis, Enjriw kiykyakam nep apchakiy angyak,  
<sup>4</sup> “Tap angambun gok, ñin akay rek giningamb? Pen yerip rek gek niñiy angningambun, Biyomb angak ñin ak, miñiy gining gisap angiy niñningambun?”  
<sup>5-6</sup> Angey, Jiysis kuyip angak, “Niñrep ginimimb! Biynimb kunaynep yesek tom giy, yimb yip ak diying angningambay, ‘Yand Jiysis nep aswiyn angningambay.’ Kun angey, niñind aspay angiy ma niñnimimb.  
<sup>7</sup> Miñmon akniy penpen gispay, miñmon okok penpen gispay angeningiy, gos kunay ma niñnimimb. Tap kun gok rek giningamb ak pen, ñin kisen ak wining gisap angiy gos ak ma niñnimimb.  
<sup>8</sup> Miñmon yomb gunap tikjakiy, miñmon yomb gunap yip penpen ñanngningambay. Biynimb wikan gunap tikjakiy, biynimb wikan gunap yip penpen ñanngningambay. Pen miñmon okok mangiysek monmon diy, yiwan yomb apiy giningamb. Tap giningamb kun gok, biyn ñapan ñimbamb, mañ mindip angiy niñbay rek nep giningamb.  
<sup>9</sup> Pen

niņrep giy mindenimimb. Ñin gunap nimbip dand Jiwda kanjsol mindeniņgambay ak amey, kor giniņgambay. Ñin gunap nimbip Jiwda nan-gep korip okok dand amiy, kur diy pikniņgambay. Ñin gunap Jiysis binuk aņgiy, dand gapman biyomb mindeniņgambay ak amey, kor giniņgambay. Pen dand amniņgambay rek, minim tep yip ak gapman biyomb gok kuyip aņgñiniņgambim. <sup>10</sup> Pen minim tep yip ak aņgñey, miñmon okok maņgiysek amek nep, ñin kisen ak winiņgamb.

<sup>11</sup> “Pen nimbip kor giniņg dand ameniņgiy, minim yerip diy aņgjun aņgiy, gos kuņay ma niņnimimb. Aņgniņg ginimbikniņ, Gor nimbip gos tep ñek aņgniņgambim. Minim kun ak nimb key ma aņgniņgambim; Gor Kawnan ak nuk aņgniņgamb.

<sup>12</sup> “Pen numam gunap tikjakiy, numam gunap kuyip ñaņgayaņ aņgiy, dam biyomb gok kuyip ñiniņgambay. Nop gok tikjakiy, ñapan kiyk key gok kuyip ñaņgayaņ aņgiy, dam biyomb gok kuyip ñiniņgambay. Ñapan gok tikjakiy, nop nonim sikop kuyip miluk niņiy, ñaņgniņgiy aņgiy dam ñiniņgambay. <sup>13</sup> Yip ker mindeniņgambim rek niņiy, nimbip miluk niņniņgambay ak pen; nimb biynimb an yip ma kirgiy, chingiy nep mindeniņgambim gok, perper mindeniņgambim.

*Gor Aņgniņep Korip Ak Timey Yimb Giniņgambay*

*(Mat 24:15-28; Luk 21:20-24)*

<sup>14</sup> “Tap asikep yimb bap, Gor aņgniņep korip miņgan ak ayey mindeniņgamb. Minim tiksipiyn

kun biy niṅrep ginimimb. Kun gakniṅ, biynimb Jiwda propens mindeniṅgiy gok, pirik miñmon yirik okok amniṅgiy; <sup>15</sup> biynimb korip ar biyoṅ mindeniṅgiy gok, andkind korip miṅṅan ma amniṅgiy; <sup>16</sup> biynimb woṅṅday okok tanṅeniṅgiy gok, chech tap gok diniṅ, andkind korip ma amniṅgiy. <sup>17</sup> Biyn ñapan koṅgiy mindeniṅgambay gok sek, ñapan tiy ñeniṅgambay gok sek kosyam pirik amniṅgambay. <sup>18</sup> Tap giniṅgamb kun gok, Gor nup aṅṅniṅem, yombip aynimuṅ ñin ak ma ginimuṅ. <sup>19</sup> Alwol gayak ñin ak tikiy mind dand apiy mindpun ñin biy, timey kun ak rek ma gak; kisen kun ak rek ma giniṅgamb. <sup>20</sup> Ginep mindek, biynimb maṅgiysek kumdipyap. Pen Biyomb biynimb nuk diniṅ aṅṅayak gok gosimb niṅiy, yep won bap nep ginimuṅ aṅgak.

<sup>21</sup> “Pen ñin kun ak, biynimb gunap aṅṅniṅgambay, ‘Niṅim! Jiwda kiṅṅ yomb key yimb ak mindip biy; mindip bindoṅ aṅṅeniṅgiy,’ niṅind apay aṅgiy ma niṅnimimb. <sup>22</sup> Biynimb gunap, Gor biynimb nuk aṅṅayak gok, kind chinup ak winiṅgiy aṅgiy aṅṅniṅgambay, ‘Yand mey, Jiwda kiṅṅ yomb key yimb ak; yand mey bi Gor minim aṅṅep ak aswiyn aṅṅiyiṅ,’ yesek tom giyiṅ, tap mageprek gunap giniṅgambay. <sup>23</sup> Tap yerip yerip kisen giniṅgamb ak, nimbip aṅṅen niṅbim ak mey; niṅrep giyiṅ mindenimimb.

*Jiysis Kisen Andkind Winiṅgamb  
(Mat 24:29-31; Luk 21:25-28)*

<sup>24</sup> “Pen miker yomb kun gok gi tikiṅniṅ, pumb ak, gach giy, takin ak melik ma giniṅgamb. <sup>25</sup> Gap gok semb biyoṅ nimb

puŋgiwyowakniŋ, tap semb biyoŋ gok, okok nimb okok nimb giniŋgamb. <sup>26</sup> Kun geniŋgamb, Bi bap Ñinuk, Nop aŋgek melik yomb gakniŋ, semb band sek winiŋgamb. <sup>27</sup> Pen enjol nuk gok aŋgyokeniŋgamb, miñmon kiñiŋ omiŋal ak maŋgiysek am kus giy, biynimb nup ker mindeniŋgambay gok dand mindeniŋgamb ak winiŋgambay.

*Mon Silup Ayip*

*(Mat 24:32-35; Luk 21:29-33)*

<sup>28</sup> “Nimb niŋbim; mon gok silup ay wos gakniŋ, miñiy pumb aying gisap apim. <sup>29</sup> Kun ak rek, miker yomb aspiyn gok gakniŋ, ‘Miñiy maŋ mindip! Jiysis aŋgak rek, giniŋ gisap aŋgiy niŋniŋgambim.’ <sup>30</sup> Apiyn ak niŋrep ginimimb! Biynimb kiñiŋ miñiy mindpay ar biy gunap mindyakniŋ, tap kun gok gek niŋiy kisen kuniŋgambay. <sup>31</sup> Semb ar biyoŋ sek, man ar biy sek kurginiŋgamb; pen minim yand ak perper nep mindeniŋgamb.

*Ñin Akay Winiŋgayn Ak Ma Niŋbim Aŋgak*

*(Mat 24:36-44; Luk 17:26-30, 34-36)*

<sup>32</sup> “Ñin akay akaŋ, won akay winiŋgayn ak, biynimb gunap ma niŋbay, enjol gok ma niŋbay, yand kunep ma niŋbiyn. Bapiy Gor, nuk nep niŋimb. <sup>33</sup> Kun ak mey, ñin akay winiŋgayn ak ma niŋbim rek, niŋrep giyiŋg mindenimimb.

<sup>34</sup> “Winiŋgayn ñin kun ak, biyomb bap korip nuk ak kirgiy wikan bap amniŋg, bi woŋg gep nuk gok kuyip woŋg ar keykey aŋgay, binuk kin-jeŋrumb kond mindeniŋgamb anup aŋgniŋgamb,

‘Niñmindenimin angyi amningamb.’ <sup>35</sup> Nimbip kun ak rek giningamb. Won akay bi korip nop nimb ak winingamb angyi ma niñbim rek, niñrep giy mindenimimb. Dungep won ak akan, kisyimnamb yomb biyan akan, pumbnamb akan, sekemb won ak winingamb angyi ma niñbim. <sup>36</sup> Kinimbikniñ kasek winimuñ rek ayip. <sup>37</sup> Pen nimbip nep ma aspiyn; biynimb okok kuyip mañgyisek aspiyn; niñrep yimb giy mindenimimb angak.”

## 14

### *Jiysis Nup Yergiy Pikayjun Angyi Niñyak (Mat 26:1-5; Luk 22:1-2; Jon 11:45-53)*

<sup>1-2</sup> Pen Jiwda biynimb, biret yiys sek ma ñimbay ñin yomb Pasopa apay ak, ñin ominal nep mindakniñ, bi Gor nup simbongep yomb gok sek, bi low tiysa gok sek Jiysis nup yergiy kapkap chichiy diy, dam ñangayun angyak. Pen gos bap niñiy angyak, Pasopa ñin biy kun gon, biynimb kuñaynep guniy, chinup gi timey giningambay angyi kirgiyak.

### *Biyn Bap Jiysis Nup Wel Ayñak*

<sup>3</sup> Jiysis miñmon Beteniy amiy, bi Saymon korip ak am bisgiy tap ñiñyak. Bi kun ak, nind soy ayn-dik ayek, Jiysis gek suñ ayak. Pen tap ñiñyakniñ, biyn bap wel kuyrep wak maniy yomb tawpay ak, botol sek dand apiy, namb ak pikpangyi, Jiysis nup jun biyoñ songak. <sup>4-5</sup> Songek, bi mindeyak kun gok, gunap niñey simbwur kuyip ak timey gek, kiyk key angyak, “Wel kun ak yokiy, maniy yir ñin jiwiy andikiy onep ar ak rek diy, biynimb

tap ma mindip gok kuyip ñemb ak pen, yenen kun giy yikop soᅅgip?” Kun aᅅgiy, nup aᅅjiwyak.

<sup>6</sup> Kun aᅅgeyak, Jiysis kuyip aᅅgak, “Nup kirgim; yip gip kun ak, girep yimb gip. <sup>7</sup> Biynimb tap ma mindip gok, nimb yip per mindeningambim rek, tap ñining ñinimimb; yand yip per ma mindoningambun. <sup>8</sup> Biyn kun biy tap nuk gep rek ak gip. Kumen wel kuyrep wip ak ayñiy komningambay rek, yip nind ayñisap. <sup>9</sup> Kun ak nimbip niᅅind yimb aspiyn. Minim tep yip ak miñmon okok aᅅᅅey amnakniᅅ, gip kun ak sek aᅅᅅiyᅅ, gos nup sakiy ma giningambay aᅅgak.”

*Jiwdas Jiysis Nup Ñaᅅᅅyaᅅ Aᅅgiy Mimunᅅ Gak  
(Mat 26:14-16; Luk 22:3-6)*

<sup>10</sup> Pen Jiysis binuk Jiwdas Yiskariyot, bi Gor nup simboᅅgep yomb gok kuyip mimunᅅ gining amnak. <sup>11</sup> Bi Gor nup simboᅅgep yomb kun gok, mimunᅅ kun ak niᅅiy, tep gek aᅅᅅyak, “Nip maniy gunap ñiningambun aᅅᅅyak.” Aᅅgeyak mey, Jiwdas yergiy aᅅᅅen apiy, Jiysis nup dand amniyaᅅ aᅅᅅiy, gos piyow niᅅmindek.

*Pasopa Ñin Ak Miñiy Aᅅᅅiy Tap Ñiᅅyak  
(Mat 26:17-25; Luk 22:7-14, 21-23; Jon 13:21-30)*

<sup>12</sup> Biret yiys sek ma ñimbay ñin yomb Pasopa apay ak apek, kanj siypsiyp ñiluk pikñiᅅemb ñin ak, Jiysis binuk gok nup aᅅᅅyak, “Tap chin ñiᅅningambun gok, wikan akay gayrep ginjun?” <sup>13</sup> Aᅅgeyak, binuk omiᅅal aᅅᅅyokiy aᅅgak, “Nir miñmon dawin yomb ak amiy niᅅningayr: bi bap ñiᅅ mal dand ameningamb. Nup namb pikiy, korip kun ak amiy, <sup>14</sup> bi korip nop nimb anup

anğniñiy anğnimiyr, “Tiysa anğip, “Bi yand gok yip tap ñiñningambun miñgan akay anğip,” anğiy anğniñer’<sup>15</sup> nirip dam korip ar biyoñ cheya tap okok mañgiysekk mindip miñgan ak yomniñgamb. Yomek, tap ñiñningambun gok tip kun ak gayrep genimiyr anğak.”<sup>16</sup> Kun giy anğyokek, miñmon dawin yomb ak amiy anğak rek nep mindek mey; Pasopa tap ñiñning giyak ak, gayrep gerik.<sup>17</sup> Dunğep won ak, Jiysis binuk gunap yip amjakiy,<sup>18</sup> tap ñimbyiñg anğak, “Nimbip niñind yimb aspiyn. Bi chin yip tap jimñiy ñimbsipun biy, bap yip pikayañ anğiy mimuñg giniñgamb anğak.”

<sup>19</sup> Kun anğek, binuk gok simb gek gos par ayiñg, nup nokom nokom anğniñyiñg anğyak, “Yand mer akan anğiy,” anğniñeyak anğak,<sup>20</sup> “Nimb bi yand onep wimiñgan ak, bap kun giniñgamb. Bi kun ak mey, yand yip tap diys nokom jimñiy ñimbsipur biy.<sup>21</sup> Baybol buk ak tikiy anğyak rek kumniñgayn ak pen, bi yip pikayañ anğiy, mimuñg giniñgamb anup simb niñsipiyn. Nup ma tikpiyap rek, timey kun ak rek ma giy, yiwur yomb kun ak ma dipkop anğak.”

### *Jiysis Binuk Gok Kuyip Biret Wayn Ñak*

*(Mat 26:26-30; Luk 22:14-20; 1 Kor 11:23-25)*

<sup>22</sup> Tap ñimbyiñg Jiysis biret ak diy, Gor nup tep anğiy, tipañg binuk gok kuyip ñiyiñg anğak, “Diy ñiñim! Ak mumbwak yand ak nimbip ñispiyn anğak.”

<sup>23</sup> Pen ñiñg wayn kap ak kunep diy, Gor nup tep anğiy, binuk gok kuyip ñek ñiñyakniñ anğak,<sup>24</sup> “Ñiñg biy mey, likañ yand biynimb kunaynep, kuyip nen yowniñgamb rek nimbip

ñispiyn. Likañ yand yowningamb kun ak mey, biynimb kunjaynep diningayn angak minim ak wos amningamb angak.”<sup>25</sup> Kun angiy angak, “Yand nimbip ninind yimb aspiyn. Miñiy ñin biy tikiy ñing wayn ma ñinjingayn. Yikop nep minden minden, Gor biynimb diy kond mindeningamb ñin ak winingamb angak.”<sup>26</sup> Kun angiy, binuk gok yip lotiw kamep bap angying, miñmon Oliyp dum amniyak.

*Jiysis Piyta Nup Bi Kun Ak Ma Ninbiyn Angningamban Angak*

*(Mat 26:31-35; Luk 22:31-34; Jon 13:36-38)*

<sup>27</sup> Jiysis angak, “Baybol buk ak tikiy angyak ‘Gor bi kanj siypsiyp mokep anup pikayeningamb, kanj siypsiyp gok pirik keykey amningambay angak.’ Kun ak rek, mindak nimb mangiysek yip kirgiy pirik amningambim.”<sup>28</sup> Pen yand kumiy tikjakiy, miñmon Galiyliy ameningayn, nimb kisen niningambim angak.”<sup>29</sup> Angek, Piyta angak, “Bi gunap nip kirginingiy rek ayip ak pen; yand nip ma kirginingayn angak.”<sup>30</sup> Angek, Jiysis angak, “Yand nip ninind aspiyn; kisyimnamb biyan kakaruk suk ominal ma angningamb won ak, Jiysis nup ma ninbiyn angiy, yinj ominal nokom angningamban angak.”

<sup>31</sup> Angek, Piyta kilis yimb giy angak, “Yip nip sek pikayning pikayningiy ak pen; nip ma ninbiyn angiy ma angningayn angak.” Jiysis binuk gunap, Piyta angak rek nep angyak.

*Jiysis Gor Nup Angniñ Mindek*  
*(Mat 26:36-46; Luk 22:39-46)*

<sup>32</sup> Jiysis binuk gok yip miñmon Getsemeniy amiy kuyip angak, “Nimb sinbiy bisinğ mindem, yand am Bapiy nup anğniñiy nup angak.” <sup>33</sup> Kun anğiy Piyta, Jemis, Jon kuyip poñind amiy angak, <sup>34</sup> “Mindmanğiy yip piñiyñiy nep aysap ak, kumnim rek ayip. Biy mindiy, niñmindenimimb angak.” <sup>35</sup> Kun anğiy kuyip anğay, nuk yep man kun sinak amiy, jomluk ak man biyan ay, Nop nup anğniñiy anğak, “Tap yip giniñğ gisap ak, mer anğiy ker, mer anğninin. <sup>36</sup> Bapiy, nand Biyomb mindpan rek, yerer giniñğ giniñğamban. Tap yip giniñğ gisap ak mer anğniñğ anğniñğamban. Pen gos yand niñbiy nup rek ma ginimin, gos nak key niñban ar ak ginimin angak.”

<sup>37</sup> Anğiy, andkind binuk omiñal nokom mindeyak ak apiy niñak; pisnep kin ameyak, Saymon Piyta nup angak, “Yenen kinjipan? Tapin won bap niñmindenimin rek ma ayip?” <sup>38</sup> Timey ginjun rek ayip anğiy, gos tep niñiy, Gor nup anğniñiy mindenimimb. Gosimb nimbik ak giniñğ niñimb ak pen, mumbwak anep mawses gip angak.” <sup>39</sup> Kun anğiy, andkind amiy, Nop nup anğniñak rek, tip ak anğniñak. <sup>40</sup> Pen andkind apiy niñak, wisin apek pisnep kin amniyak. Niñiy kuyip angak, “Nimb kinjipim?” Anğek siskoy diy, pen anğniñiy rek ma ayak.

<sup>41</sup> Pen kisen amiy andkind apiy, tip ak kineyak niñiy, angak, “Nimb yikop kin mindpim? Mey tep! Bi Gor minim ma niñbay gok yip diniñğ asway. <sup>42</sup> Biriwin. Niñim! Bi yip mimunğ gip ak yakam lipiñğ dand apchakip nen, tikjakem, asway miñgan bindoñ amnun angak.”

*Jiysis Nup Chichiy Diyak*  
(*Mat 26:47-56; Luk 22:47-53; Jon 18:3-12*)

<sup>43</sup> Kun angakniņ, bi low tiysa gok, bi Gor nup simbonņep yomb gok, bi minim tungasikep gok angyak rek, binuk Jiwdas Yiskariyot, bi gunap poņind amjakak. Bi poņind owak kun gok, baynat gunap, kur gunap sek diy, nuk yip wiyak. <sup>44</sup> Pen maņ maņ giyিং, Jiwdas bi kun gok kuyip angak, “Bi am kaykol giniņgayn anup, chichiy diy dand kor amnimimb angak.”

<sup>45</sup> Kun angiy, Jiysis mindek siņak amjakiy, Tiysa angiy, nup kaykol gakniņ, <sup>46</sup> bi gunap apiy nup chichiy diyak.

<sup>47</sup> Kun giyakniņ, Jiysis binuk bap baynat nuk ak lipiņg diy, bi Gor nup simbonņep yomb yimb woņg giņemb anup, timund piskind ak pisnep timbrik yokak.

<sup>48</sup> Pen Jiysis nup kun giy chichiy deyak angak, “Yand bi tap siy diy minden rek; baynat, yir, tap gok kun giy dapiy yip dispim. <sup>49</sup> Per Gor angniņep korip ak amiy, nimb yip mindiy, biynimb minim angņimbiyn ak pen, yip ma dipim. Pen miņiy giniņgamb angiy, Baybol buk ak tikyak rek gispim angak.” <sup>50</sup> Pen Jiysis nup kun giy diyakniņ, binuk gok nup kirgiy, maņgiysek pirik amdiyak. <sup>51-52</sup> Bi paranj bap, chech parsek nep yimiy, Jiysis nup dand ameyak ak kindik amek, nup kunep chichiy dun anņey, chech band nuk ak kirgiy, daynep pirik amnak.

*Jiysis Nup Kor Giyak*  
(*Mat 26:57-68; Luk 22:54-55, 63-71; Jon 18:13-14, 19-24*)

<sup>53</sup> Jiysis nup dand bi Gor nup simbonḡep yomb yimb korip ak amniyak. Dand ameyak, bi Gor nup simbonḡep yomb gok diy, bi low tiysa gok diy, bi Jiwda kanjsol yikop gok diy, ap korip kun ak nan-geyak. <sup>54</sup> Piyta loslos ay dand amiy, bi Gor nup simbonḡep yomb yimb korip ak amjakiy, bi korip kun ak woḡḡ giyiḡḡipay gok yip bisgiy, mon maḡiy mindeyak. <sup>55</sup> Bi Gor nup simbonḡep yomb gok sek, bi Jiwda kanjsol yikop gok sek Jiysis giranḡyiḡḡip minim kiḡiḡ bap diy nup ḡanḡayun anḡiy, <sup>56</sup> biynimb gunap dand apey, kuḡaynep yesek tom giyak ak pen; minim kun gok, okok nimb okok nimb anḡey, nup chiḡḡnimuḡ rek ma ayak. <sup>57-58</sup> Pen gunap tikjakiy yesek anḡiy anḡyak, “Chin niḡmindon nuk anḡak, ‘Gor anḡniḡep korip ḡin maḡiy diy giyak biy timbrik yokiy, ḡin omiḡal nokom mindiy, tip ak giḡiḡayn. ḡin maḡiy diy giḡay rek ak ma giḡiḡayn; korip kun ak key yimb bap giḡiḡayn anḡip’ anḡyak.” <sup>59</sup> Minim anḡyak kun ak kunep niḡey sisker yimb ayak.

<sup>60</sup> Bi Gor nup simbonḡep yomb yimb ak, biynimb mindeyak namb ak tikjakiy, Jiysis nup anḡak, “Minim nip aspay ak pen bap ma anḡḡiḡḡamban?” <sup>61</sup> Anḡek, Jiysis minim bap pen ma yimb anḡek, tip ak anḡniḡiy anḡak, “Nand mey Jiwda kiḡḡ yomb kiḡḡ; Biyomb tep ak ḡinuk yimb?” <sup>62</sup> Anḡek, Jiysis anḡak, “Yaw. Mey yand nep. Bi bap ḡinuk Nop ḡin yipund kind okok ken mindiy, semb band sek apek niḡḡiḡḡambim anḡak.”

<sup>63</sup> Kun anḡek, bi Gor nup simbonḡep yomb

yimb kun ak, yenen Gor nup anjjiwiyiŋ kun asap anjgiy, chech nuk ak key tungrikiy, <sup>64</sup> kuyip angak, “Nuk minim timey asap kun ak yerip gos niŋsipim?” Angek, bi Jiwda kanjsol gok manjyisek angyak, “Kun giy anjip rek, nup pikayep angyak.” <sup>65</sup> Anjgiy, bi gunap Jiysis nup kiŋuk giy, chech band bap di windin nup ak pik yiwgiy, pikiyiŋ angyak, “Yand Gor Niŋuk anjgiy, tap key yimb gipan ak, miŋiy nip an piksap ak key niŋiy, chinup angey niŋun angyak.” Bi Gor anjŋiŋep korip poliys gok kunep nup tapin nep pikyak.

*Piyta Yand Jiysis Nup Ma Niŋbiyn Angak*

*(Mat 26:69-75; Luk 22:56-62; Jon 18:15-18, 25-27)*

<sup>66-67</sup> Piyta am bisgak siŋak nep mindakniŋ, biyn piŋ bi Gor nup simbongep yomb yimb anup wong giyiŋip bap apchakiy angak, “Nand kunep Jiysis bi Nasaret nimb ak yip mindamban angak.” <sup>68</sup> Angek, Piyta angak, “Nak yerip aspan! Minim aspan ak ma niŋbiyn angak.” Kun anjgiy, mis biyan amnakniŋ, kakaruk suk angak. <sup>69</sup> Biyn kun anep, Piyta nup tip ak niŋiy, bi mindeyak gok kuyip angak, “Bi biy kunep Jiysis binuk bap angak.” Angek angak, “Bi kun ak ma niŋbiyn angak!”

<sup>70</sup> Tapin won bap mindiy, bi mindeyak kun gok Piyta nup tip ak angyak, “Nak kunep miŋmon Galiyliy nimb ak, chin niŋbun: nand bi kiyk bap angyak.” <sup>71</sup> Angeyak angak, “Biyomb niŋmindip; yesek angen yip pikaynimuŋ. Pen niŋind yimb apiyn! Bi kun apim ak yand ma niŋbiyn angak.”

<sup>72</sup> Kun angakniņ, kakaruk ak tip suk angek, Jiysis nind kakaruk omiņal suk ma anņņiņgamb won ak, nup ma niņbiyn anņiy, yinj omiņal nokom anņņiņgamban angak minim ak niņek, simb gek siy yomb angak.

## 15

*Jiysis Nup Dand Paylat Mindek Amniyak*  
(*Mat 27:1-2, 11-14; Luk 23:1-5; Jon 18:28-38*)

<sup>1</sup> Miņmon yowakniņ, bi Gor nup simbongeņep yomb gok diy, bi low tiysa gok diy, bi kanjsol yikop gok diy miytiyņ giy, minim anņ ar nokom ay, Jiysis nup sen ayņiy, dand gapman biyomb Paylat mindek ak amniyak. <sup>2</sup> Dand amey, Paylat nup angak, “Nand Jiwda biynimb Kiyņ yomb kiyk key yimb ak akan?” Angek, Jiysis angak, “Mey nak apan ak angak.”

<sup>3</sup> Bi Gor nup simbongeņep yomb gok, Jiysis nup minim yesek yesek ar gunap anņeyak, nuk pen minim bap ma angek, <sup>4</sup> Paylat angak “Nip minim kuņay aspay ak, pen minim bap ma anņņiņgamban?” <sup>5</sup> Angek, Jiysis minim ma yimb angek, Paylat gospar ayak.

*Mon Bak Ñanņbirik Ayim Anņyak*  
(*Mat 27:15-26; Luk 23:13-25; Jon 18:39-19:16*)

<sup>6</sup> Jiwda biynimb ñin yomb kiyk Pasopa apay ak apek niņiy, per am Rom gapman biyomb Paylat nup anņniņey, kuyip kalambis bi anņniņyningipay anep anņ mis yokyningip. <sup>7</sup> Pen simiy kun ak, bi bap yimb nuk Barabas biynimb gunap diy, Rom

gapman yip penpen giy chip ñanɣyak rek, kuyip kalambis ayey mindeyak.

<sup>8</sup> Biynimb gok ap nan-giy, Paylat nup kalambis bi bap per anɣniɣiɣipay rek anɣniɣey anɣak, <sup>9</sup> “Kiɣɣ yomb nimbik ak, wisik yoknim akan anɣak.” <sup>10</sup> Yenen: nuk key niɣak; bi Gor nup simbongep yomb gok, Jiysis nup yikop miluk niɣyak rek dap ñiyak. <sup>11</sup> Pen bi Gor nup simbongep yomb gok, biynimb gok kuyip anɣyak, Paylat nup anɣem, Barabas nup wisik yokiy; Jiysis nup kirginimuj. Anɣeyak, biynimb gok Paylat nup anɣyak, “Barabas nup, chinup wisik yokninin anɣyak.” <sup>12</sup> Kun anɣeyak, Paylat anɣak, “Kun apim ak, kiɣɣ yomb nimbik anup yerginim?” <sup>13</sup> Anɣek, kiɣk meɣ miɣan dand araniy anɣyak, “Nup mon kiros bak biyoy ñanɣbirik aynimimb anɣyak.” <sup>14</sup> Anɣeyak, Paylat anɣak, “Nuk tap yerip timey gek, kun ginim?” Anɣek, kiɣk meɣ miɣan dand araniy anɣyak, “Mon kiros bak biyoy ñanɣbirik aynimimb! Mon kiros bak biyoy ñanɣbirik aynimimb anɣyak!”

<sup>15</sup> Anɣyak kun ak, biynimb gok kuyip tep ginimuj anɣiy, Paylat Barabas nup yikop anɣyokiy, binuk gunap kuyip anɣak, “Jiysis nup miñ diy, tapin nep pikiy, amiybi gok kuyip ñem, dam mon kiros bak biyoy ñanɣbirik ayniɣiy anɣak.”

*Bi Gor Anɣniɣep Korip Poliys Gok Jiysis Nup Anɣjiwyak*

*(Mat 27:27-31; Jon 19:2-3)*

<sup>16</sup> Anɣek, amiybi gok Jiysis nup dand gapman biyomb Paylat korip ak amiy, bi kiɣk gunap kuyip suk anɣey apey, <sup>17</sup> chech likañ paryomb

gapman yomb gok aypay rek ak dand apiy, Jiysis nup ayñiy, tap ñiwñiw sek gunap tik dand apiy, kiyn aypay arband rek bap giy, jun biyon ayñiyak. <sup>18</sup> Ayñiy, nup poliys gipay rek chimkom diy angyak, “Jiwda kiyn yomb kiyk biy perper mindonimun angyak.”

<sup>19</sup> Kun angyi, nup kur diy, jun biyon pikiy, kiñuk giñiy, mindek kiñiñ siñak kongim yimiy, jun pañgyak. <sup>20</sup> Nup kun giy angyiwi, chech likañ paryomb nup ayñiyak ak tungasik diy, chech nuk key ak ayñiy, ñanğbirik ayniñg dand sanđiyak.

*Jiysis Nup Mon Kiros Bak Biyon Ñanğbirik Ayak  
(Mat 27:32-44; Luk 23:26-43; Jon 19:17-27)*

<sup>21</sup> Kiyk namb okok amyinğ, Saymon miñmon Sayriyniy nimb ak, okok giranğiy apiy Jerusalem amniñg gek, nup namb pikiy minim kilis angyi angyak, “Jiysis nup mon kiros ak dand amnon angyak.” <sup>22</sup> Pen kun giy amiy, Jiysis nup dand miñmon chip jun won tip ak, yimb Golgota apay ak amjakiy, <sup>23</sup> nup ñiñg wayn ak diy, malasin silik gunap sek ay ñeyak, ma ñiñak. <sup>24</sup> Ma ñimbek, nup mon kiros bak biyon ñanğbirik ay, chech nup gok bilok keykey diniñg, sandiw gipay rek giyiñg diyak.

<sup>25-26</sup> Pumb lim giy yep namb siñbikyon owak won ak, Jiysis nup ñanğbirik ay, yenen ñanğbirikiyak minim ak kiros bak biyon tikay angyak, “Jiwda kay kiyn yomb kiyk ak angyak.”

<sup>27</sup> Pen minek kun ak, bi tap siydep omiñal bap kunep ñanğbirik ayak. Bap gol pis bineñ, bap gol pis biym, Jiysis nup namb biyan ñanğbirik ayak.

<sup>28</sup> Giyak kun ak, Baybol buk ak tikiy, giniñgambay

angyak rek nep giyak. Minim kun ak tikiy angyak, “Nup niñey, bi tap timey gep bap rek ayniñgamb angyak.”

<sup>29</sup> Biynimb gok kiyk aran apyan giyiñg, Jiysis nup niñiy jun gormar giy, nup angjiwyiñg angyak, “Gor angniñep korip ak timbrikem, ñin omiñal nokom tip giniñgayn apan ak, <sup>30</sup> miñiy nand key giy kim amey, chin niñun angyak.”

<sup>31</sup> Gor nup simbonjep biyomb gok sek, bi low tiysa gok sek Jiysis nup kunep angjiwiy angyak, “Biynimb gunap kuyip gamb kim ambay rek, nuk key kunep giy kim amnañ akañ. <sup>32</sup> Per Yisrel biynimb kiyn yomb kiyk mindpiyn angip rek, miñiy nup ñangbirik aypay ak, key giy kim amek ker, niñind angip angiy niñun akañ angyak.” Pen bi Jiysis yip ñangbirik ayak omiñal ak nup kunep angjiwrik.

### *Jiysis Kumak*

*(Mat 27:45-56; Luk 23:44-49; Jon 19:28-30)*

<sup>33</sup> Pumbnamb yomb biyoñ won ak kisyim apiy, mind dand amiy, pumb kuyim gak won ak tip melik gak. <sup>34</sup> Melik gakniñ, Jiysis Jiwda minim ay, meñg miñgan dand araniy anggak, “Eloy, Eloy, lema sambaktaniy anggak.” Minim anggak kun ak, kiñiñ nuk ak anggak, “Bapiy Gor! Bapiy Gor! Yip yenen kirpan angiy anggak.” <sup>35</sup> Angek, biynimb mañ kun siñak mindeyak gok niñiy angyak, “Niñim! Yilayja nup suk asap angyak.”

<sup>36</sup> Pen bi bap tap kipromb rek band bap diy, ñiñg wayn maniy sikoy tawpay miñgan biyañ tawek amek, Jiysis nup ñen ñiñañ angiy, gamil par ak di kambis ñangiy, mindek biyoñ

ñiyiᅅ ᅅᅅgak, “Chin niᅅmindon, Yilayja apiy, nup tuᅅgasik dam man biyaᅅ aᅅniᅅgamb akaᅅ ᅅᅅgak.”

<sup>37</sup> Kun ᅅᅅᅅiy niᅅmindyakniᅅ, Jiysis meᅅᅅ miᅅᅅan dand araniy minim yomb ᅅᅅᅅiy kumak.

<sup>38</sup> Won kun anep, chech paryomb Gor ᅅᅅᅅniᅅep korip ñiluk kapkap miᅅᅅan biyaᅅ pilᅅiyak ak, puᅅᅅrik biyoᅅ biyaᅅ ay, miᅅᅅan sek mindek.

<sup>39</sup> Amiybi gok biyomb kiyk ak, kiros bak namb akniy ken siᅅak mindiy niᅅak, Jiysis kun ᅅᅅᅅiy kumek, tap yerip yerip gak gok niᅅiy ᅅᅅgak, “Niᅅind apay. Bi kun ak Gor Ñinuk yimb ᅅᅅgak.”

<sup>40-41</sup> Biyᅅ Jiysis yip Jerusalem wiyak guᅅap ap gol siᅅak mindeyak. Namb kun ak, omiᅅal nokom Jiysis nup woᅅᅅ siskoy guᅅap giᅅiyiᅅᅅipay miᅅᅅmon Galiyliy. Bap yimb nuk Salomiy; Mariya omiᅅal. Biyᅅ yimb aloᅅᅅ omiᅅal kun ak, bap miᅅᅅmon Makdala nimb; bap Jemis yip, numam kisen Josis yip nonim ak. Biyᅅ kun gok maᅅᅅiysek niᅅᅅmindeyak, Jiysis kumak.

### *Jiysis Nup Kamb Miᅅᅅan Ak Komyak*

*(Mat 27:57-61; Luk 23:50-55; Jon 19:38-42)*

<sup>42-43</sup> Josep bi Armatiya nimb, Jiwda kanjsol tep yimb bap ᅅᅅᅅiy niᅅᅅiyiᅅᅅipay ak, Gor biyᅅnimb diy kond mindeniᅅᅅgamb ᅅᅅᅅiy kond mindiyiᅅᅅip. Bi kun ak ñimᅅam giniᅅᅅ ᅅakniᅅ, nuk amjakiy niᅅak Jiysis kumek, toy lotiw ñin ak, miᅅᅅiy tuᅅgasik dam komnim ᅅᅅᅅiy; ma pirikiy, Paylat mindek ak amiy ᅅᅅᅅniᅅak. <sup>44</sup> ᅅᅅᅅniᅅek, Paylat Jiysis won akay kumimb ᅅᅅᅅiy jiwdiy, poliys opiysa yomb anup ᅅᅅᅅek apek ᅅᅅᅅniᅅak. ᅅᅅᅅniᅅek ᅅᅅgak, “Mindarik kumimb ᅅᅅgak.” <sup>45</sup> Kun ᅅᅅᅅek, Paylat Josep nup ᅅᅅgak, “Dam komnimin ᅅᅅgak.”

<sup>46</sup> Angek, Josep chech tund yomb bap tawiy, bi gunap yip Jiysis nup tungasik dand apyapiy, mangiysek pipkomi, dam kamb miŋgan kisenimb nep kilukiy, chip ma komyak miŋgan ak komyak. Komiy, kamb yomb bap tungmilokey amek, kawrumb ak pil giyak.

<sup>47</sup> Pen Mariya Makdala yip, Mariya Josis nonim yip niŋmindriknj nup komyak.

## 16

### *Jiysis Kumiy Tikjakak*

*(Mat 28:1-8; Luk 24:1-12; Jon 20:1-10)*

<sup>1</sup> Jiwda lotiw ñin kiyk ak apiy pandikek, Mariya Makdala ak, Mariya Jemis nonim ak, biyn Salomiy ak Jiysis mumbwak nup ak wel ayñinjun angyi, am wel kuyrep wak ak taw dap ayey kinak.

<sup>2</sup> Minek Sandey ñin ak maynamb yimb tikjakiy, Jiysis nup komyak bindoŋ amning sanđiyak.

<sup>3</sup> Namb okok amyinŋ angyak, “An chinup kamb yomb kawrumb pilgiyak ak, tungmilok dam gol okok ayningamb angyak.”

<sup>4</sup> Kun angyi amjakiy niŋyak: kamb yomb kawrumb pil giyak kun ak, gol okok mindek. <sup>5</sup> Niŋiy, miŋgan bineŋ sikind amiy niŋyak: bi paranj chech tund paryomb yimak bap, ñin yipund kind okok ken bisinŋ mindek. Nup niŋiy pirikyak ak pen;

<sup>6</sup> kuyip angak, “Ma piriknimimb. Yand niŋbiyn; Jiysis bi Nasaret nimb, mon kiros bak biyoŋ ñanŋbirik ayak anup niŋning aswim. Pen niŋim! Tip ar nup komyak biy; nuk ma mindip. Mindarik tikjakiy amimb.

<sup>7</sup> Pen ma kumak ñin ak angak rek, nuk nind tikjakiy Galiyliy am mindeniŋgamb; nimb kisen

amiy nup niñningambim. Piyta sek, Jiysis binuk gunap sek kuyip minim kun ak anğñinimimb anğak.”

<sup>8</sup> Kun anğek, mis amiy, jel pirikyak rek biynimb gunap kuyip minim kun ak ma anğñiyak; punğrikind anğiy korip amniyak.

*Mariya Makdala Nimb Ak Jiysis Nup Niñak  
(Mat 28:9-10; Jon 20:11-18)*

<sup>9</sup> Jiysis kumiy, Sandey ñin ak tikjakiy, nind yimb Mariya Makdala mindek siñak misen gek niñak. Pen biyn kun anup, nind kichekiy onep ar ak aban ayek, Jiysis anğ mis yokak. <sup>10</sup> Nuk Jiysis nup niñiy, am binuk gok siy anğ mindeyak namb ak, Jiysis kim mindip nup niñbiyn anğek, <sup>11</sup> kiyk pisnep kumimb anğiy minim nup ak ma diyak.

*Jiysis Binuk Omiñal Kinjeñnamb Okok Amyiñg  
Nup Niñrik  
(Luk 24:13-15)*

<sup>12</sup> Minek bap pen tip ak, Jiysis binuk omiñal miñmon wikan bap girañgiy, Jiysis bi ak key rek ay apiy, kinjeñnamb ak misen gek nup niñiy, <sup>13</sup> am binuk gunap kuyip anğñer, kunep niñind aspiyr anğiy ma niñyak.

*Minim Tep Yip Ak Biynimb Okok Kuyip  
Anğñinimimb Anğak  
(Mat 28:16-20; Luk 24:36-49; Jon 20:19-23; Ap 1:6-8)*

<sup>14</sup> Pen minek bap tip ak, Jiysis binuk onep anğip ak tap ñimbeyak namb siñak misen giy, kuyip anğ giyiñg anğak, “Tikjaken biynimb gunap misen

niņiy aņgey, yenen Gor Ñinuk ak niņind tikjakip aņgiy gos ak ma niņbim?”

<sup>15</sup> Kun aņgiy kuyip aņgak, “Minim tep yip ak dand miñmon okok maņgiysek amiy, biynimb okok maņgiysek aņgñinimimb. <sup>16</sup> Aņgñem, biynimb an yip gosimb niņiy, ñiņg pikniņgambay gok, kim amniņgambay. Pen biynimb an yesek apay aņgniņgambay ak, kor yomb niņiy, miñmon timey ak amniņgambay.

<sup>17-18</sup> “Biynimb yip gosimb niņniņgambay gok, yip aņgniņiy tap mageprek gunap giniņgambay, ñin gunap minim yimb kiyk ak mindakniņ, minim kisenimb ar bap key yimb aņgniņgambay; siyņ saraw tap biynimb siwip gok diniņiy akaņ, tap ñimbiy kumbay gunap ñimbiy, ma kuniņgambay. Pen biynimb tap giniņgamb gok, kuyip ñin maņgiy diniņey suņ ay; kichekiy tap yerip gunap biynimb ambaņ ayniņgamb gok, aņ mis yokniņgambay. Kiy yip minden tap mageprek kun gok giyakniņ, biynimb gok minim chinup aņgñispay ak niņind aspays aņgiy, niņniņgambay aņgak.”

*Gor Jiysis Nup Dand Miñmon Nuk Amnak  
(Luk 24:50-53; Ap 1:9-11)*

<sup>19</sup> Jiysis minim kun ak aņgiwakniņ, Nop nup dand arachak semb biyoņ amnak. Dand amek, ñin yipund kind okok ken mindip.

<sup>20</sup> Pen binuk gok minim tep ak miñmon okok kind kind aņgñey amnakniņ, Biyomb ak minim kun ak niņind aynimuņ aņgiy, kuyip kond mindakniņ, tap mageprek gok giyiņgipay.

**Kalam Baybol Buk Gor minim nuk kisin  
angayak  
The New Testament in the Kalam Language of Papua  
New Guinea  
Nupela Testamen long tokples Kalam long Niugini**

copyright © 1992 Wycliffe Bible Translators, Inc.

Language: Kalam

Dialect: central

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

---

PDF generated using Haiola and XeLaTeX on 21 Feb 2024 from source files dated 31 Aug 2023

1491c109-3ee2-5565-9b83-06c480168547